



越
縵
堂
詩
續
集





Digitized by the Internet Archive
in 2010 with funding from
York University Libraries

趙縵崗詩
續集

序
題
端



序

會稽李尊客先生詞章考據之學爲清季冠讀書餘暇尤工爲詩訝自髫
髻迄於老不輟而其手定刊行者僅白華絳跼閣初次集十卷自甲辰至
甲戌八百五十首自乙亥以後所爲杏花香雪齋詩二集迄未付梓歲壬
戌得北京浙江公會景印先生越縵堂日記五十一冊公餘瀏覽則先生
未梓之作悉散見於日記中因順次編錄自乙亥至甲申之詩都爲十卷
以繼白華絳跼集之後於是先生平生所作殆十得八九矣先生一生備
歷艱屯家國變故一寓之於詩自謂存之足以徵閭里之見聞鄉邦之文
獻而國是朝局之是非亦或有可考焉至其沉酣典籍摘詞淵雅氣息醇
粹功候湛深讀者當自得之固無俟卮語之導揚也

共和十一年冬姚安由雲龍識於涵翠樓

夫詩者一乎才然亦由靈明造化而聖賢

賢而後所發也昔當自什之國無封疆之憂世出

趙而後漢魏以之景非不勉而自來蓋至其元而後

聖賢之家國聖賢一而之什什而自來者之風以

聖賢之家國聖賢一而之什什而自來者之風以

聖賢之家國聖賢一而之什什而自來者之風以

聖賢之家國聖賢一而之什什而自來者之風以

聖賢之家國聖賢一而之什什而自來者之風以

聖賢之家國聖賢一而之什什而自來者之風以

聖賢之家國聖賢一而之什什而自來者之風以

越縵堂詩續集第一卷

清會稽李慈銘愛伯譚

姚安由雲龍夔舉編

劉鐫山師潘星齋丈小集寓齋星丈賦詩見贈奉答短歌

以下乙亥

春風十日吹雪晴市中浩浩鴉鵲聲閉門僵臥絕剝啄惟公杖履時將迎
茅堂櫺炭一壺酒折頸葫蘆伴三韭清談所舉輒會心塵世難逢笑開口
識公廿載鬚皓然優游京輦如林泉兒曹袞袞據臺閣衣冠誰識人中仙
新詩落紙總清妙吐納煙霞振鸞嘯偏喜覓句商山人不肯拈花示年少
我生結契江湖中漁樵歌唱稱能工自入長安落塵海筆頭所至無春風
湖塘烟水柯山石兩地牽船未營宅得公詩畫相映輝邱壑千秋照丹碧
兩翁相對清且癯我亦鬢髮稱老夫幾時釣艇相隨逐萬樹梅花壓石湖
元夜懷星齋紱庭兩丈時星丈新得曾女孫紱丈有小恙未癒各得

絕句一首

白鬚紅鳥鬪年華
璧月團欒宰相家
奪鳳磊基燈宴裏
膝前春發一枝花
總覺春風杖履輕
試茶量藥稱閒情
戟門夜宴停燒燭
愛向梅花看月生
星齋侍郎雪後招飲次日賦謝

梅花晴日敞朱門
扶杖相邀笑語溫
前夜雪痕明竹石
首春風信上琴尊
尊鱸盡入三吳饌
松鶴長怡五畝園
自是吐茵東閣地
典型耆舊至今存
次日偕嚴六谿戶部袁爽秋舍人和濮紫泉比部子潼至龍樹寺眺

城南殘雪久坐蒹葭移

昨飲侍郎宅竹樹清且寒
因之發佳興看雪來郊塢
城南多古寺興誠據

廣遠

寺建於唐名興誠寺國朝已久圯嘉慶中有松筠菴一浙西僧修之爲松筠下院補植倒垂槐一樹金匱顧侍郎皋題曰龍樹寺

最

愛蒹葭移面場
恰開軒積素半已消
林阜何斑斑
流漸滿平壤
水鳥鳴關

關森森郊壇樹渺渺墟里烟城堞澹回繞亭榭標晴鮮予懷本幽寂況此
初地閒蕭疏不可極久坐忘行還嚴生本畸侶二子能清言欲盡殘雪理
晚對樓上山

星丈詩中言虞山之勝因憶昔年秦宜老曾相約移家悵然賦之

詩成忽憶秦宜叟曾話虞山好景來飛瀑瓏玲滿松桂晴嵐深淺出樓臺
買田陽羨終難必化鶴遼城豈重回吾谷烟霞無恙否祇應猿鳥有餘哀
匡伯惠唐花牡丹兩盆下承以水仙賦兩絕句爲謝

風情合作探

平

花使獨向天甯

平

寺裏回最愛朝衫騎馬並擔頭一路牡

丹開

部中天甯寺
賣花最盛

曾記小桃梅作賸翻風還倚宋緯憐

昔年里居時君曾
顧梅花碧桃四樹

也嫌富貴冬烘色

爲借淩波配水仙

乙亥清明寓中祀先感賦二首

清明作客總淒然典得朝衫也薦先麥飯祇供貧士饌紙錢誰上郭門船

桃花津渚新停鼓楊柳人家欲禁烟爲問京華何事業滿頭霜雪不歸田

丙舍移家得幾時松陰鐘梵不勝思六峯翠靄尙書塢一曲清谿下相祠

先曾祖墓在瀧渚金欽隴近六峯山有謝尙書塢先考妣墓在項里有清谿十八橋項王祠在焉瀧渚之寶壽寺項里之翠峯寺境皆幽絕常欲構

丙舍永叔表阡何日就俱先祖及本生先祖右軍誓墓此生遲卅年舊句成

愁絕莫向旗亭唱我詩予十七歲時嘗作上塚詞十餘句內一首云紅橋瀧渚春風市綠樹亭山細雨天更有謝公遺壁

在衣香人影滿春田頗爲時所傳誦予得詩名實始於此其藥久棄聊附記之

去年所移花樹半死今年復補栽之戲成兩絕句示後人

詩老朱藤翰長梧先生風調復何如元規塵土何須問日有清陰爲掃除

叔孫所至須完葺曾子臨行戒毀傷他日莫逢蕭少府盡刊花艸種衰楊

乙亥上巳日游慈仁寺看花復至法源寺探丁香出飲酒家歷龍樹

寺而歸

三月三日春氣佳出游宣武城西街慈仁蘭若據大道當門老樹相推排

寺寂僧貧鳥聲樂百級香臺聳危閣蒼松偃蹇市地風吹過山桃亂花落

春陽晚晚開午晴一枝豔照秧梅明

北地有榆葉梅繁英淡紅千葉而小爾雅時英梅郭注云雀梅說文作秧

梅玉篇作模梅疑卽此也

石闌久坐狎馴雀經房靜聽茶鐺聲良辰催箭急星火東游

西游無不可憫忠古剎重扣扉萬藥丁香雪猶裹戰士埋骨千年香古德

天花開道場軋輦罕千自屠剝猶誇佛力收漁陽蟻垤爭雄事如此暮鼓

晨鐘等閒耳乘時一醉非偶然杖頭百錢足生死醅顏風送城南來夕陽

千頃蒹葭堆西山爲我埽眉黛贏得浮生笑口開

後種花兩絕句示家人

先生性癖只耽花紅紫閒庭丁倒斜有地今朝還種樹無錢明日便移家
莫笑囊中無一錢園官圃老識經年何時結就團蕉屋萬樹花中自在眠

予嘗有桃花萬樹一蒲團之句屬畫師續爲圖

恭賦嘉順皇后輓詩二章

纔唱廉歌送素車永安宮裏咽悲笳碧桃愛種千年果白柰愁簪二月花
阿母層城誰遣使玉皇天上自攜家靈衣颯颯因風舉知是長門望翠華
凶門柏歷罷繅儀猶象深宮大練衣扶荔風香圖史富濯龍花發宴游稀
傷心寶玦辭瑤媵幾見圓璫妒玉妃鳳御裴回知有恨平明銜命向金微
夏晚偕匡伯試茶龍樹寺

暫學清涼法招提就夕陽林迴連堞勢蘆缺見山光鳥去孤烟定風來衆
綠忙茶香禪榻畔元賞等濠梁

雨後竹下作三首

我生喜種藝所至無田園
竭來京華居間歲常數遷
偶賃一弓地荷雨彌拳拳
種樹八九本栽竹四五竿
其下有隙壤蘿蔓相延緣
一當新雨過蔥翠紛盈前
弱枝手扶將敗葉爲棄捐
人世苦逼仄所樂胸懷間
萬物各有託吾事同精專

修竹生亭亭其志非異俗
雜卉互依附藁施共蕭蕩
高下雖殊資拭濯競新綠
聖人一定名貴賤遂殊目
雖有賤場師不能毀佳木
人生同一形所別在慝淑
妍媸尙能分賢愚定誰屬
所以柳下徒同流泯榮辱
此事非吾願閉門謝塵黷

昔賢愛花樹其意各有寄
舉世無可友乃結古天契
吾今又異此藉作養生計
每當讀書暇裴回廣庭際
所樂覺有餘尋香步階砌
四顧無與言粲

然識花意亦或嬰煩疴幽憂苦積滯徙倚綠陰中清風洒然至恍若夢故
山攜琴在松桂數葉時理吟艸藥亦知醉陶冶萬物懷卽在一室地林下
成彼風請以言吾志

悼貓

玉獨唐所賞雪獅宋見偁爾身全白質尾黃如栗蒸於種實爲美皮相庶
可憑三歲象我家馴擾不取憎常愛傍書睡我讀如爲聽亦飲硯池水兼
艸瓶花馨茵伏均坐起簾幙無留停我性喜花樹紅紫彌中庭爾也任嬉
戲趁蝶還驅蠅倦或藉花臥怒亦緣木升薄荷偶一醉涼風吹爾醒頗知
主人性良由爾質靈圖史從未觸卉艸避不陵捕鼠獨俊狙視逞厥能
我日具三韭爲爾治魚鯉時時撫爾戲呼之輒我謦何期被毒噬一旦委
爾形似悲別其主晴燦死不瞑銅山有大賊惟恐不速殂此類豈爾比痛

惜何能勝襜爾繫纒裏樵爾蒲弱膝差勝吳太傅葦衣篋鉤膺南窪叢冢
地風雨聞佩鈴玉環及崇國相遇當爾矜時逢墻間祭或得沾餘腥我無
次山筆元次山有作詩爲爾銘篇中凡朱厲兩家詞中所用貓事皆不更
出玉璫二語本擬作倘遇張搏輩救樓定
相矜因檢竹垞集中附錢芳標作
用救樓事故改用今句以與起應

絨丈枉過寓廬賦詩屬和依韻奉呈

山林吾自有忘卻在天涯晚竈香菰米秋籬足豆花過從惟老輩相對感
年華杖履公真健行吟到日斜

乙亥九日偕張孝仲朱鼎甫

一新

袁爽秋

租

三舍人濮紫泉比部

子

蓮游白雲觀復至天甯寺登高二首

高秋西出鳳城闔直上星壇禮玉眞極漠山川窮大石舊京宮殿自長春
鐘璫雲繞香臺地環佩風傳霧閣人我是元都身再到紫霄今日靜烟塵

前年燕九節來
游是日大風

拓跋當年駐蹕宮莊嚴法界尙稱雄鴉盤塔影寒烟外樹表山光夕照中
貴客壺尊爭片席下方鐘磬遞西風天涯佳節情何限老病登臨幾輩同
以先中書公鑑湖垂釣圖記拓本贈紫泉綴以絕句二首

帛槌茶臼家風在高隱湖西號罟師二百年來田舍盡邨烟猶指柳姑祠
君家舊有西池宅瓜渚秋光萬頃湖

紫泉先世居山陰之西
邨離瓜渚湖不遠

何日同尋蓑

笠約綠篷艇子課魚租

雪夜月出校漢書地理志用陶徵君讀山海經詩韻

微雪尙在地月色穿雲疎閒庭宋如繪竹木交寒廬一燈炯相映清光滿
琴書校讀意未已早朝漸驅車還撥地鑪火汲水烹野蔬斜月欲傍窗澹
與籬影俱朱墨徧几案亦或陳畫圖生世苦逼仄大地終何如

絨庭丈以初雪詩索和未有以答夜復得雪依韻卻寄

又見園林雪因之野興長烹茶知夜靜燒燭爲詩忙硯水添新滴鑪灰養
宿香循闌還曳杖花下一徜徉

次夕月下仍校地志復用前韻

積雪消遂盡平楚益以疎明月出寒宇娟然滿田廬遙知故山好深巷人
讀書緣籬見燈火比舍聞紡車飽喫五湖飯嫩撻稽山蔬失計事遠役幸
與書卷俱細戡蘭臺史遐想秦地圖俯仰有餘樂日力將何如

第三夕望夜月明於晝同牧莊紫泉諸君圍鑪久話三用前韻

皎月豈常有美人情易疎賴有素心客時來適我廬世事百無競相敦惟
詩書塵堞滿衣袖出門各無車我藏有斗酒近市供嘉蔬鐙火動南牖竹
影移與俱野服澹相對此意誰能圖良夜足可惜舍我焉所如

越縵堂詩續集第一卷

南通馮

雄翰飛校

越縵堂詩續集第二卷

清會稽李慈銘愛伯譔

姚安由雲龍夔舉編

正月晦日喜雪作

以下丙子

鳳城漸近養花天
先試春風六出妍
慰望一囊郎吏粟
懷人千里孝廉船

諸謂計偕君

景靈久設金仙醮
太乙新浮玉鼎烟
爲道至尊憂穢事
中和前日

兆豐年

時大高殿覺生寺時應宮等屢啓齋壇祈禱數日前上親禱大高是日復下詔二月三日親往祈雨

二月朔日作

送窮迎富又今年
未覺春深二月天

樂天詩不覺春已深今朝二月一

西嶺風回千樹綠

半城雪散萬家烟
畫簾映燭橫梅蕊
几留香賸水仙獨
念故園花事近

南湖虛待酒人船

憶南鎮春游

南鎮嬉春近若何
禹王廟下幾經過
繞城十里連歌吹
落日千山散綺羅
楊柳綠藏爭舫窄
桃花紅較酒人多
曉風初月湖東路
日夜歸心寄逝波
暮春微陰偕秦秋
伊陶仲彝子縝張
牧莊孫彥清坐慈
仁寺丁香花

下作

倦旅偶相集言尋
古寺去殿合蒼松
陰徑積雜花雨丁香
交廣庭密葉點繁
素東西隔池臺濛
濛互香霧掃地坐
其下商量理茶具
一磬穿花來始覺
遠天暮

夏初偕子縝雲門
王子裳王弢甫工部

彥威

楊定粵舍人

晨

羊敦叔

刑部

復禮

小集陶然亭

漢家城闕對郊壇
佳氣蔥蘢隱几看
平野煖風翻綠葦
遠山晴翠落朱闌
時清想見官曹樂

亭爲康熙間江上邵藻督黑窯廠時所構有詩刻石

老去常知聚會難
猶是江亭

觴詠地夕陽芳草滿長安

歸自城南晚坐花下子縝雲門見過欣然有作

出門意不適巾車命行還我居一畝宮竹樹殊清閑
禮花殿餘春新葉媚晴鮮脫帽坐籬下呼僮候茶烟
開徑望二仲日夕聞款關山居幾兩屐點破蒼苔斑
素心良不易清談有餘懽空庭生暝色碧雲依遠天
徙倚晚柯下惜此須臾閒

寄子縝

唐重進士科利祿稱極極選積重千餘年它涂弗敢踐
有明設庶常翹材最尤雋其始比列宿肄讀忝祕典上
以儲論思次亦備編撰國朝盛文教華擢過禁臠坐臥
歷臺閣壽考必鼎鉉趨榮漸波靡濫迹遂漫衍金銀踵
故事顓翊習臧舛舉止類風狂應對若吃鶩鴟鳩滿上
林不必爾顏覩吾子

淵雲徒潛思炳丹篆六藝資盟饋百家挾輶鍵餘事及文章繽紛濟清辨

區區致青雲豈足爲子善此中有老宿儒林號弁冕朱竹垞毛西河全謝山惠牛農

錢竹汀戴東原王石渠孫淵如洪北江阮芸臺吾子夙服膺絕學將大闡行爲吾道光非

特詞苑顯任彼驅烏流蒙頭食香薷行藏雖殊塗述作庶共勗集賢與北

門蓬萊等清淺

寄伯寅侍郎

我聞昔如來捨身食餓虎亦有慈悲狸銜肉以擲鼠美人織雲裳頗亦乏
機杼顧抱衣被懷窮簷徧覆咻十年掌計臣脂膏竟空處豈知僵臥客朝
饑待懸釜予也習微尙鰭骨不能嫵匿迹畏鬼憎形心甘草茹裹飯無子
桑簞漿絕孤父所幸牽船來暴桑託春宇一昨聞敏門深情溢豪楮清俸
手自分朱提粲可數赤脚趨行酤長須亦歡舞鄰家驚廚烟庭花媚晴午

昌蒲雜艾蒜丁倒滿瓶。鯁柰何債臺迫索券。積尺許鬚鬢百十羣。敲窗復
蹋戶支吾。澀言辭進退。寬寸武涸轍。仍告哀廉泉。近堪抒欲爲無厭求。再
作外府取知君。解金貂慨然不余拒。急計償米薪餘力。辦角黍是時久穉
旱。我缶滿甘雨。願益揚薰風。徧使獄生穰。

時侍郎攝少司
憲餘杭疑獄

重五日遊龍樹寺

朱明啓中序。琴尊邀素心。烟蘿入微徑。幽日開禪林。樹繞郊宮墻。鳥度層
城陰。清風自終古。後者還思今。

仲彝雲門攜具來同居喜賦一詩并柬官夫子縝

老屋三間學隱淪。多君來此息風塵。已憐暮景催歸鳥。暫喜窮途對故人。
濁酒一尊停夜月。庭花半架殿餘春。東頭爲問蓬瀛侶。官燭詩篇定倍新。

是日子縝亦
遙寓官夫家

次日牧莊子縝紫泉見過夜偕仲彝雲門匡伯小飲客散後作

華月纖纖欲挂簷東廚西釀偶相兼清談舊雨閒彌永脫粟荒年儉不嫌
客去茶烟猶繞戶宵深花氣漸通簾祇應棖觸閒情賦一曲鐙前昔昔鹽

調仲彝
子縝

雨後喜弢夫子縝偕陳汝翼庶常義見過同雲門仲彝匡伯夜話

疏雨過銀河虛堂暢嘯歌人間知己少天上暮雲多短燭消更漏高言畏
網羅商量文字業莫問夜如何

寄秀水朱亮生

采明經保定幕府二首
時督相遼駐津
門君仍留省垣

府主三公督八州疏狂書記世無儔軍門祇解能長揖漆室頻聞恃老謀
附體誰修張裔敬臥屍容得禰生留廣筵珠履三千客獨自悲歌學楚囚
雄藩保塞拱京華彊騎蕭蕭靜建牙勃海列屯傳羽箭潞河飛粟漲桃花

萬言盾墨常馳檄

君著防海私議共十萬餘言

八口風塵遠寄家頭白橫流何日

止相期歸去問桑麻

贈謝夢漁給事

拜疏歸來乞米忙羣兒騶騎擁輝煌三朝白髮呼風漢五考黃門作病坊
殿上咳諧方朔樂詩中涕淚杜陵狂憐余宋寔頻相過多事人間著漫郎
夏日偕汝翼匡伯彥清弢夫仲彝子縝雲門飲滿洲某氏且園復從
弢夫飲對門朱郎家夜歸卽事呈諸君

城南馬廐新爲園雜花稚竹深映門池臺簡略半未就時有客至羅琴尊
面東開軒數弓地佳日停雲暫相憩窮途猶喜交材賢餘力同期治文字
庭前烟霧橫窗紗石榴如火紛天斜清風時來入簾隙玉缸酒面飛紅霞
長髯短屐互行炙雄辯清言共駱驛朱郎手持團扇來玉樹一枝照瑤席

芭蕉展葉桐陰交此外尺地皆炎歊醉中不覺人世窄仰見赤日行天高
是時至尊正憂旱神畿千里麥苗斷我曹亢食何所爲對此盤飧得無赧
柳邊隱隱鳴輕雷西鄰重見華筵開簷花一陣過疏雨轉向銀屏看月來

章子厚題名

方丈仙人本森茫一言腹劍竟披猖同文獄起清流盡宣訓誣深故后傷
倖爾黨碑聯禹玉終然弊法悔商鞅儻雷配字酬相謔空自題名記草堂

逃虛子集

北郭曾傳十子詩彌天神駿想當時海鷗遊戲真無賴香象超騰大有辭
赤脚已成和尚錯紫袍難得女嬃知程朱何與方黃事一炬煩人報少師

鈴山堂集

詞臣十載耦樵漁清望東山世莫如竟負焚香天上祝虛傳禮斗殿中居

邊防河套終捐棄直諫朝班盡埽除猶有一編遺集在不教隨例沒圖書

三相國尺牘

五宰相書能避瘡曾聞戲語出涪翁何來勝國三奸聚恍見陰謀異代同
孔雀羽毛悲盡落彪狐形影向誰工留都賣後終強死猶較袁江餓鬼雄

夏晚偕諸子坐龍樹寺馬櫻花下作

雨過夕陽澹禪房開綠陰微風交葦影晚色上花心飛鳥有時倦暮雲隨
處深徘徊無限意何似在山林

弢夫挈霞芬來同彥清諸君夜話聽歌

綠蕙香無歇言愁柰爾何晚風吹鬢煖初月媚人多詩意宜吳語茶光上
越羅王珉白團扇掩淚不聞歌

病中書感兼示仲舉子縝雲門三君四首

貧瘁與年進況堪災疾攻笑談成氣逆跬步卽途窮半世吟呻裏終朝轉側中此身今已贅溝壑任西東

滿目流民畫餘生尙百憂世途真偪仄天意亦沈浮漸有探丸警誰聞曲突謀吁嗟求雨意蓂蓂竟何仇

寂寞誰相慰知心得兩昆循良傳治譜文采起清門憂樂何人識科名待爾尊大官方減膳溫飽事休論

樊澤真風義歌詩百感來家傳名將業身抱箸書才花月追騷意文章榮小災濟時應有待笑口爲君開

姬人張端以五月四日生今年逢閏示以詩五首

女兒佳節難重遇姊妹花開記閨娘小帖紅箋報端四燈前閒譜荔枝香

姬人之姊以閏月生故字
閏姬今嫁金縣丞在閩中

碧帟新意試裁綃王母分來再熟桃怪底菖蒲花發處重臺還比五雲高
客中典盡舊釵鈿正是黃楊厄閏年一事總輸房老福秋風篋扇絕新篇
霧鬢風鬟不入時持家常得魏城知赤靈符在何須換長命新添續命絲
房中十賚儘堪誇七事新兼筆硯茶更有一庭紅醋醋供人插戴滿頭花

丙子閏端午戲作俳體

糗糒菰香酒泛蒲更料平節物入荒廚人量采縷身依舊裙驗榴花淚未
枯天上香羅無復夢心前故紙尙懸符祇應研取殘硃滴重續終南進士
圖

戲書雲門江城子菱詞後

多勞湘管譜菱詞天問箋成醉不知五月風花燕市酒千年蘭芷渚宮詩
黃金買賦人誰識綠葉尋春事已遲添得楚江騷客恨淚拋紅骰刻相思

擬王右丞屋上春鳩鳴

微雨過林塘和風交阡陌柔桑環我垣垂楊蔭我宅倚樹飯耕牛臨流設
漁席門巷春事多永無遠行迹

擬孟襄陽松月生夜涼

明月出林間清露滴山翠鐘磬初已定泉聲偶來至旛風遠颭燈松影半
在地猿嘯不逢人負此烟中寺

擬儲太祝種桑百餘樹

人生貴自足粗能治田園藝稻五十畝種竹數百竿稻花竹陰中結屋十
餘間茅茨亦云整籬落僅自完後圃帶流水前軒面青山右灌瓜蔬饒左
蔭桃李繁租稅既早輸雞豚供祀先時亦速親友歡笑羅杯盤夏日綠陰
合棚架圍檀欒置席北窗下清風盈我前雖有機杼聲不擾午後眠睡醒

夕陽下倚杖聽鳴蟬

齋中喜雨

自冬汔今夏望雨若朝飢況茲值暘暑一溘千金思何意水雲合積淪先
萋萋奔騰忽四注垓圯窮端倪簷溜織烟霧竹樹交參差虛堂生萬籟庭
砌橫風漪靜看雨中色冥會林居時山谷杳無極白氣分茅茨松濤捲天
際蘿薜垂紛披江湖收俄頃魚鳥俱忘機新涼沁枕簟溼翠侵罽毼野老
庶滿慰聖人息疇咨莫問門外路泥深如淖糜

雨中示仲彝雲門末韻兼懷子縝

靜聽一庭雨虛堂秋已生翠憐新竹韡紅見晚花明比屋交簷滴閒門斷
屐聲池塘應有夢不盡對牀情

哭王敷庭弟

三年書未報忽聽訃音來久客悲風木

聞去冬葬親始畢

無兒慟夜臺故人多不

壽循吏竟爲災山縣儒官老令原一倍哀

令兄資廷新選宣平訓導

哭劉鐫山師二首

兩月秋官竟左遷那堪羸博慟者年奉常虛長諸卿秩下杜難營一頃田
人識劉寬真長者天教伯道促華顛傷心無子無孫語小築東堂倍黯然

師昔年築素絲堂初成故用喬丞相語

自慚老病荷深知淒絕彌留索序詩

師今春曾以詩集屬訂定臨殯時遺言索予序

厚德豈須文

字重清名長見後人思柴門永斷鳴騶日蕭寺難忘載酒時從此西街花

市地醉歌扶路不勝悲

夏夜靜坐和雲門

數點天街雨微雲碧似羅山痕分薄電樹色轉明河砌竹含烟密牆花上

露多清宵兩無寐愁絕郢中歌

劇庭下新筍佐晚飯

屢數庭前竹欣看雨後滋劇來新筍脆剛與晚餐宜小具園林樂無忘灌
植時故鄉三百个焦土不堪思

雲門送絡緯兩籠媵以小文情辭清麗作一詩報之并系小引

候先悉蛩產異螽斯傳聒聒之方言徵嚶嚶之雅訓涼鐙初上缺
月將升俾和苦吟庶振凡響清風將颺何異夜飛之蟬雅韻欲流
不驚夢化之蝶荻籠分惠花管難酬

絡緯勞將送才多媵綺辭翕清如我樂聒夜記兒時枕畔喧逾靜花間遠
亦宜悲鳴果何事竟夕不成絲

題子縝畫蘭二絕句

唱斷喬家碧玉詞一叢香草最相思不堪更著銖衣舞風露先愁欲墮時
綽約豐肌分外妍鏡中倩影不勝憐娥眉曼睩分明在孤負琴心已十年
丙子六月十二日寓齋作山谷生日祀以瓜果梅餠同彥清弢夫仲

彝子縝雲門諸君作

老樹當門清蔭長茅堂三面薰風涼共爲涪翁作生日荷花一丈餅中香
佳客清才俱絕出相約瓣香敬風節就中壓倒鼉張流卻有樊詩與陶筆
主人五十身早衰奇貧尤似宜州時蘇羹玉糝劉飯晶咄嗟廚下猶能治
種竹數竿已抽筍紫縮寸餘不成菌作菹剛配西江詩味苦氣清嚼難盡
薄荷煎餅翠且醃豆飴堆盤紅冰酣離伶擎燭互上壽此亦先生槁木庵
題羅兩峯當場出醜冊子四絕句

出塞琵琶不忍聞妍媸誰向筆頭分黃金顛倒蛾眉事俎豆千秋是此君

詞中第一幅爲毛延壽出
塞事以下皆戲餉中丑色

自詡端州出又新史家描繪逼成真八關十子紛紛現先補三元第一人
起滅烟雲又一時鏡中狐影總難知艸頭木脚恩恩了萬拜當場薛乞兒
淨色爭如丑色多稗官狡獪柰公何可憐腹劍千秋毒換得登場一曲歌

秋夜聽雨示諸同志

淅月苦炎熱所晒秋風涼霖雨及時至漸覺金氣剛枕簟怯晚就羅幃試
新颺燈火如故我對案生清光今夕又雨作瀟瀟殊未央參差雜蓮漏斷
續淒寒蠶種蕉南榮下牆角多叢篁漸瀝稍可辨簷溜微相妨不覺庭宇
窄滿室聞清商坐聽遂成趣靜候鑪中香同居念我友疎簾隔秋房共聽
空階滴所惜非聯牀美人易遲莫況復客異鄉相勸葆真意無爲多感傷
讀書繼日力喜此秋夜長

秋日對雨作

蕭蕭急雨打簾櫳坐覺遙天爽氣通四壁秋聲圍薜荔一庭涼翠上梧桐
泥騰萬騎邊關路露立千官御道中獨喜閒身無事日方牀安坐對西風

爲潘星齋侍郎題秦宜亭歲晚江邨小景三絕句

扁舟載鶴來烟水不知處遙指板橋西當門一松樹

茅堂對水開風貌映清絕爆竹一聲起寒林落殘雪

野曠山空裏何人共歲寒黃壚無老友酒甕畫中看

偶成

不覺詩成日已遲閒來窗下覆殘碁秋花滿地蕉陰綠又爲斜陽立少時

仲彝招集天甯寺塔射山房是日秋陰眺望甚閒感而成詠

岩嶢古寺占清秋勝侶招邀又出游孤塔迴風偏壓樹遠山銜翠欲依樓

蕭蕭落葉催人別

時子楓汝翼將南還雲門將往保陽

澹澹寒花寫客愁如此闌干幾回倚

暮鐘烟際足句留

題山樓對讀圖

無恙青山舊梵寮秋風幾度葉蕭蕭對牀把卷人何在愁問南湖第五橋

餘汗江敬所孝廉

式

賦長歌見贈寒夜走筆答之

我年四十齒鄉舉江右同舉有江公其年長我又十歲頗聞鄉里嘲龍鍾

三年京師忽相見面日黧黑衣氎氎自言計偕良不易枯氎守拙將終窮

故人宰縣有餘俸解囊相贈生春風緊君故人我薦王

謂房師陳許堂先生

門牆吳

昧能無同方今時世重年少弄姿搔首交稱工冠裳輒見越人走鐘鼓反

使爰居聾君已再上我三上暴腮折翼遭冬烘長安流滯不得去艸驢蹶

蹠愁相逢一官我溷百僚底侏儒囊粟終年空君課小兒享三韭朝來暫

喜飢腸充相評到處可牛馬隨行所惜無驢蝨竭來投我有長句情真造
語無凡庸西江詩派本杜叟半山曹洞稱旁宗縱論學術亦特立不倚漢
宋爲奴傭嚴霜一降萬木落天地肅肅銷霾霧回看桃李盡何有蒼然古
色蟠喬松我曹俯仰豈徇物違計言貌驕兒童飯顚山頭自游戲稚孫況
復能追從毛褐不具且無恤老讀異書窮三冬梅花一笑相嫵媚會看春

色歸衰翁

君曾乞予題
梅花勸學圖

丙子九日敦叔彥清邀同孝仲紫泉仲彝弢夫瓊島登高訪遼后梳
妝臺紀以二詩

觚稜麗日照秋鮮白塔晴標百尺巔郭外風雲通極塞禁中樓閣出諸天
玉河曲繞千章木金闕平分萬戶烟多少登高萸菊會不知蓬島有今年
耶律妝臺事已賒完顏樓殿創瓊華龍蛇旗影三霄仗金粉天香六代花

王母鏡開滄海日玉妃裙起赤城霞祇今太液秋光滿終古神居屬漢家
九月十三夜菊花盛開雨後月出偕弢夫仲彝梅卿於寓齋然燈看

花小設杯勺并招霞芬芝秋諸郎卽事有作

錦屏小試菊花天人影秋光一倍妍曲坐衣香添酒煖隔簾月影避燈圓
風塵客感搔青質蘭蕙騷歌託素絃莫道夜深霜漸白小車油壁在門前

寄嚴菊泉教授

嘉榮

嘉禾官舍二首

絳帷昔事嚴夫子年少文章獨被誇一別星霜成隔世故鄉滄海已無家
頗聞杖履今增健猶喜音書遠未賒五十買臣頭半白敝衣待詔尙京華
雲門講舍罷橫流老擁皋比向秀州釋菜儒官推祭酒傳經弟子幾登樓
鱸堂蘭玉分家學駕水弦歌應棹謳自古大師多壽考春風他日續前游

二十詩是七律正格也於古人之法無不備不止叙三
十年情事婉曲無遺也世人豈能知此特標出之

初冬菊花猶盛招文昌潘孺初戶部存夜飲不至以詩柬之

歲星遊戲逐兒童高躅逍遙見素風萬里棄家瓊海外一官臥病帝城中
悲歌屢爲憂時亟推解猶能念我窮底事菊花謀一醉壺觴今日不來同

柬絳庭丈

不見先生久平泉正養疴圖書娛老富花竹閉門多志豈忘憂樂時猶寄
嘯歌初冬窗日煖曝背想維摩

送伯寅侍郎冬日再奉使東陵

東來佳氣滿橋山屢見行陵玉節頒輦路黃花迎去旆馬頭紅葉近邊關
徐無雪待褰帷賞漚水聲知攬轡閒園廟自來宗伯職暫勞卿月輟鵷班
絳丈以喜雪詩見眎走筆答之

下元節裏欣逢雪瓊葉親裁七字詩想見梅花深月夜幾回竹杖緩吟時

熏香侍女烹新茗倚膝嬌兒弄白髭自是人生清絕福笙歌錦帳有誰知
夜得絨文書以新作詠梅七律見示卽走筆和韻答之

綺窗春信最相思驛使誰從寄一枝影落鏡湖冰破處香生紙帳夢回時
遙知官閣溫鑪坐絕憶江樓玉笛吹何日扁舟侍公去竹筇鄧尉共題詩
爲汪慧生舍人題星翁所續菊花僊壽圖

老去鷗波悟畫禪一枝相贈傳延年不須眞用餐英法坐對花光是淨天
先祖妣百歲生日感賦

舞綵髻年事遺孤百藥身一棺猶淺土四海此窮民典質供烹菽飄零媿
負薪淒然鋪席祭後顧更無人

觀伎

海上新傳舞鵲來細腰窄束稱時裁紅氍毹見梁塵落赤羽常先羯鼓催

足踞五花翻錦地身輕一鳥度層臺千金不少王侯賞只惜無人爲費才

贈朱郎霞芬調弢夫

碧欄新茁一枝花璧月團圓是舊家勸客不辭金鑿落向人羞舞玉鴉叉
偏移翠袖偎燈影常得紅顏映鬢華爲謝籠鵝王內史肯教丹訣換胡麻
紱庭丈復示近詩卽和其韻

歲寒閉戶寄徜徉稍喜南榮日漸長老去讀書如過影貧來節食是新方
倦狸臥傍紅鑪熱佳墨磨添漆几香窮巷由來人迹少半庭積雪有清光
伯寅侍郎秋冬間四上東西陵賦詩一卷見眎卽題其後

我朝陵縣制嚴肅東右北平西上谷神京五驛無留程頻見重臣騁華轂
侍郎久直明光宮官佐宗伯兼司空園寢宜統太常職將作時領中都庸
輅傳一封按行去來往秋深又冬暮黃雲萬仞飛狐關紅葉千林督亢路

庚沽水會還鄉河涑易之浸交生波朔風吹雪大如掌亂流徑渡冰嵯峨
堠亭土鏐滿朝日暫解貂裘看山色題詩常使王侯驚沽酒爭爲市人識
歸來示我千珠璣清風一律無妃豨川涂簡宋屏騎從詩囊愁壓皇華駢
我生好游乏腰脚廿載長安昧阡陌春來誓欲從君行楊柳青青杏花白
西山蒼翠花作稜田盤雲瀑松層層竹杖籃輿徧山寺衿衣更上十三陵

君詩有云風雪漫天吾
未倦更思撥勝十三陵

樂毅墓和鄭奩

生合奇兵五國來死猶埋骨傍金臺能軍世盡推騎劫愛士人惟禮郭隗
終使客卿淪異地空傳書語感奇才望諸莫表將軍墓知爲昭王首重回
丙子季冬十七日孝仲敦夫敦叔彥清匡伯弢夫仲彝置酒越縵堂

爲余豫作生日且招秋濛霞芬兩郎奉觴賦詩爲謝

游桃嘉平月既望風日和霽如春妍南窗喜見晴旭滿不須櫜炭紅鑪然

歲事漸促百不理室中坐臥依寒氈故人相約共治具爲我衰暮開愁顏

古人生日不稱祝況我孤露尤堪憐行年五十無一就所得霜雪滋華顛

二親未享一日養弟姪飢餓耕無田生值災星逼殘臘蓼荼百萃攻中堅

幸恃頑鈍得不死支撐病痼能增年每逢此日輒慘戚何敢口腹恣珍鱸

素心知我益繾綣特先十日開華筵芳醪佳果滿几案藪肴膾炙紛盈前

冬筍寸寸斲寒玉蒸鳧肥滑堆吳縣談諧互作務醞藉禮數雖設無周旋

舍人博雅守家學窮經矻矻爭前賢謂孝仲諸君各擅詞賦妙葩華絡繹供

丹鉛就中鮑叔敦夫同里巷清漳夾岸連華椽鹽官羊仲敦叔居稍遠海航一

日能來還海甯與越之三江口海王翰大迴絕隔回浦會稽東部同山川

其餘四君盡同縣斜橋光相衡相連孝仲居新河近匯郭西水匡伯居陶

堰時泛城東船

彦清居昌安門外仲彝居陶堰

同學同歲分少長

孝仲敦夫同學區伯駿夫仲彝同年敦叔彦清

亦兄弟同年

舊雨今雨無拘牽長安冷落守素業不附時局誇飛鸞天涯難得

一朝聚對此不飲真癡頑名花照眼更殊絕酒波豔映雙枝懸錢郎膚清

秋水鮮朱郎雙頰爭紅蓮手持翠瓊勸我醉玉山未倒先踟躕庭前翠竹

千琅玕斜陽晚晚催暝烟卷簾俄見明月上更分銀燭擘華箋

丙子生日定寡弢夫萼庭仲彝梅卿枉過留之小飲卽席賦呈

知己相從慰歲寒生辰聊復具杯盤可憐孤子終天恨猶博良朋一日歡

鄒下伶仃同伯道客中僵臥比袁安奉觴難得雙花侍強解衰顏倚醉看

謂朱錢兩郎

生日方飲酒間適雲門書來爲壽且寄新什賦此答之

玉顏翠袖勸銜卮恰是瓊瑤入手時五日梅花馳薊驛一篇橘頌抵湘纍

殘年風雪天涯感獨客琴尊夢裏思爲報旗亭零落甚更無人唱渭城詩

謂傳生雲門赴保定前夕余錢之招生不至雲門書來甚以不見爲恨故云

越縵堂詩續集第二卷

南通馮 雄翰飛校

越縵堂詩續集第三卷

清會稽李慈銘愛伯譔

姚安由雲龍夔舉編

歲首二日潘星齋丈以七十述懷四律見示奉和二首

春風杖履報新年
吟成第一篇
竹葉觴稱新
畫錦梅花香
滿舊平泉

丈所居本宛平王文靖怡園

司空早領文昌省
退傅長依尺五天
老福期頤詩更健
白

鬚彩筆是神仙

坊築東西比二疏
齊眉更羨卞田居
圖書常自隨鴻案
山水難忘挽鹿車
佛影臺中花放早
鷗波亭畔雪晴初
豫知燈節團圓宴
蘭玉園林錦不如
先母生日前一夕大風獨坐京邸泣賦是篇

五十孤兒泣斷蓬
亡靈慚對影堂中
豈真白髮充朝隱
虛負黃泉晒祭豐

先母臨殯時語慈銘曰汝貧甚藥物不必復求他日當貴祭我稱豐可也每思此語肝腸欲裂
徙宅分無酬教育
首邱何

日得來同猶遲地下萊衣戲一盞殘燈獨聽風

丁丑元夜孝仲禔龔彥清弢夫匡伯仲彝小集寓齋并招錢朱蔣三
郎

杯盤鄉味試初筵同調才華盡若仙生世幾逢元夜飲帝都幸見中興年
鐙銜畫燭爭花豔坐簇春人比月圓轉瞬杏園風信好錦屏佳語喜先傳
是夕有鐙
花之瑞

哭董芸龕舍人 文燦

才名三陸早知聞汾晉風流總出羣薇省久聯簪筆侶玉樓促召上梁文
望衡稀見憐同病念我無多更哭君爲憶令原持使節笛聲淒咽隴頭雲

謂峴
樵
觀察

燕九節出遊白雲觀歸飲豐樓得五絕句

百市爭趨太極宮不嫌燈節過
恩恩西山晴翠朝來滿毳仗
風鳶一路中
一花七葉北宗傳玉哲方瞳
尙儼然獨憶蘇常高節在
無人玉帶禮儒仙
霧閣三層峙玉清窗窺朱鳥
自分明釵光鬟影天河上
環佩虛傳下界聲
漸覺雲璈罷道場風旛低散
鵲鑪香蒼松斜轉蓬壺影
閒坐闌干俯夕陽
鳳城歸路逐香車重向東頭
問酒家消得當筵人一笑
層城開徧碧桃花
春陰瑟居有懷弢夫仲彝

久與二君處相憐
璧駟行別來將十日
積晦滿重城風義慚
師友天涯倚
弟兄事親成獨羨
餘力勛科名

聞孝仲長郎玉綸郡試第一詩以賀之

同學今同旅惟君最我知
喜聞君有子勝似我生兒
絕業後賢紹巍科此
日基泮宮芹滿擷正及杏花時

上巳日禊盒招集極樂寺看海棠攜霞芬同往是日大風花尙未開
簪盃春明慰宋寥重三攜酒款僧寮風聲挾樹全趨水山色浮青欲過橋
弱柳低垂留客醉好花遲發避人嬌年年不負尋春約又向高梁趁錦鑣
偕諸同年長椿寺展鑄山師殯過師舊宅愴然賦詩

蕭寺淒涼絮酒陳望衡華屋倍傷神隔年撰杖都疑夢去春公宴師於此買地栽

花已屬人骨肉一門虞殯聚令子仙洲及其園林半畝別家春素旌歸葬

知何日慚媿俟芭老病身

莫春秦勉鉏招同汝翼子縝兩庶常弢夫仲彝雲門文沖集天甯寺

塔射山房憶去年春亦與勉鉏飲此會者八人以良辰美景賞心

樂事分韻余得良字久而未作今爲補之

餘春選蕭侶勝地依崇岡林深窈以闢面塔開僧房心閒得物曠吉日兼

辰良玉醴旣斟酌蘭俎羅甘芳結契略言賞微醉資方羊憑欄俯後圃衆
卉敷天香嘉木漸以長綠陰晞微陽濛濛雜雨氣晻晻含雲光西山一何
媚埽黛窺東牆靜聽禽語樂遠度鐘聲長烟景亦云足何必思故鄉

偕匡伯仲彞游南頂

古廟松陰午夏涼繞門烟景似江鄉西山埽黛依城闕流水含情入苑牆
樹影直穿游騎駛波痕對裊酒旗長笙歌漸散衣香亂已見平疇滿夕陽
夏晚讀書簡弢夫雲門

人世日逼仄得閒還讀書眠餐支老境文字慰窮途時見王郎過相鄰樊
子居不知門外事花竹愛吾廬

夏夜獨坐待月思故山

明霞隱隱絳河灣舉酒時踞想玉顏風定一簾妨燭入花深三徑惜琴閒

天涯詩思偏宜夜故國秋聲欲滿山爲問舊時松栝影可仍流采照人間

自題湖塘邨居圖四首

久客勞勞未得還故鄉無改舊林巒谿橋曲抱漁邨隱竹樹深藏草閣寒
新水一湖人放櫂夕陽千嶂客憑闌游巖少有烟霞癖頭白青山畫裏看
將母當年卜徙家只期終老課桑麻雨晴繞圃看蔬甲月出四鄰聞紡車
小舍周遮三徑竹輕兜來往一邨花傷心莫遂閒居願流落皋魚兩鬢華
海外爭傳四大洲窮荒烟島足奇游談天縱欲超三界埋骨惟須辦一邱
率土已無乾淨地仙山長見鬼神愁龍沙桑梓誰曾憊蟻蝨容身祇芥舟
八口飄零各一天先人馬鬣未成阡誰營安道居山宅虛繫思光上岸船
猶幸干戈留後死喜無兒女累衰年玄亭儻有侯芭在爲望他時辦墓田

偕雲門夜過梁家園

纔隔笙歌地便無塵市喧秋光生積水月色定空園去馬催街櫬殘燈識
寺門應知宵暑盡捉塵一談元

擬晉前谿歌二首

采菱前谿邊菱角紅有刺菱角雖有刺中心如郎意將歸奉郎嗜
谿上朱霞光照我紅羅裳羅裳雖云好欲以持與郎不如霞色長

送樊雲門庶常乞假還夷陵省親

君家勲閥高三川勇毅百戰天山邊韶州雄傑世辛趙至今畫像留淩烟

君先世居四川三台縣默深聖武記傳勇毅公
及根石總戎父子爲國朝名將勇毅繪像紫光阿翁桓桓擅文武丁國中

衰奮虓虎陷陳常占軍鋒先召對頗聞至尊許三湘專制羆當關一言忤
要對簿還手把六經授雙驥時亦射獵城南山君是僧彌更秀出弱冠聲
名蓋七澤負米常輕千里行傭書能課一朝畢胸吞雲夢八九強意氣辟

易驅羣羊興酣落紙出詞賦跨躡兩宋追三唐世上小兒逞輕薄兔園一
躍踞臺閣頂門衣鉢驅烏文經義紛綸抵彈雀余也臥病長安中蓬蒿塞
戶無人通君獨嗜痴百傾倒翻屈綠耳師跛丐自古師生論資格執贄猶
猖較階級此事自足風平千秋祇媿涓埃乏相及黃金榜上春風開簪花
直上凌雲臺家聲亦藉玉堂重國事正急連城才桂花如雨落山驛錦袍
歸覲好行色盛年報答君親長豈爲科名詡鄉國一尊相餞城西隅病中
執手重踟躕楚江雙鯉時來上并約陶敦報老夫

謂仲彝

丁丑九月京邸大風感懷四首

狂飈動地作商寒市徑愁陰晝掩關漠漠驚沙非故國蕭蕭落葉似空山
旅懷黯淡秋冬際病骨支離出處間爲問天公果何意不容泉石暫時還
無端旱魃徧神州千里焦原草不秋汲水絕渠將化陸太行積芟欲平邱

繪圖屢見疆臣告仰屋誰分聖主憂自歎此身輕一粟虛叨官籍佐持籌
頗聞桴鼓警西東白晝探丸大道中敢謂召災由吏治須知救死出民窮
夢思耕鑿平時福靜怯弓刀獨夜風碌碌侏儒真自媿坐靡衣食果何功
流水游龍日夜馳品題豪竹與哀絲誰云飢餓蒼黃日猶是承平宴飲時
天樂瞢騰如昨夢杞憂涕淚有誰知只須一醉生涯了莫忘高陽舊酒卮

秋夜聞鄰家兒讀書

結鄰僧寺曲夜靜秋蕭森玉雪誰家兒雛鳳揚清吟注澗水無礙縹絲緒
可尋天地氣不敝讀書爲元音飢寒恃無恐幽憂恃能禁宵寐彌以永堂
虛由茲深機杼相間作萬籟爲之瘖士爲四民首傳家賤籛金書種苟不
絕鬼神情亦歆怡懷兒時事趨塾差能任誦聲出庭際花竹俱愔愔一燈
恍如昨歲月悲馳駸五十久衰疾鄰下無瑤琳縣延鑿楹業我身竟消沈

淒涼祇讀語酸惻緣橫心聽此不能寐
裴回短牆陰左思乏嬌女阮籍稀
竹林隔籬誰與抱穿壁誰相侵
媿無商瞿易重惜嵇生琴坐久更
懷亂清露沾衣襟

丁丑九日京邸偕子宜慶樂樓聽歌卽送其之官閩中

天涯猶得暫相過莫負登樓一曲歌
老輩壺觴同調盡廣場絲竹感懷多
豫愁別後稀鴻雁長使山中怨薜蘿
爲問人生幾重九黃花容得久蹉跎
廿年師弟重依依家破都悲面目非
孤露久披東里葛郎潛空憶北山薇
風塵薄宦憐今始經術傳家似子稀
明歲閩南相望處白雲應傍塞鴻飛

秋夜飲霞芬坐中作

明妝宛宛墮燈前白髮撩人一惘然
鏡裏玉容能送老霧中花氣不妨禪
蛾眉難得兼金贖綺語從教衆口傳
惆悵東晴西雨意騷情錦瑟有誰箋

雨後月出柬王孫二君

雨後涼月出流影閒庭隅半照菊花寂斜映楊柳疏美人不可見清輝誰與娛裴回獨成詠素心問何如

夜夢叔弟至京二首

死別廿年餘年來夢亦疏窮秋風雨夜魂魄忽依予遠道應求食孤兒可讀書二親相見否泉下事何如

骨肉皆天末荒年得信難閉門僵臥久知子遠來看白髮驚人老青燈照壁寒此中多土伯切莫戀長安

夜月甚佳獨行理詠意有所適如在山林邨落間賦詩懷故山子九
曉湖眉叔秋伊子縝心雲諸子

季秋今夕望皎月揚團圓清絕不可唾所至無翳昏人生幾良夜閒宋尤

所欣秋光滿今夕此後霜雪繁徘徊不忍睡負手循庭垣辛苦賃茲地傭書良亦勤相隙植花樹面隱施牆援雖云一畝局頗足安琴尊幸得茲夕暇吾心謝紛紜茶烟出虛幌燈火栖曲軒寒竹猶自翠黃菊開已勻一角籬影短依依繪田園明知逆旅暫霄漢情彌敦遙念山中侶松下能清寒安得共延佇幽討期忘言瑤華不可寄蕭寥誰與論

子宜瀕行再來別賦詩送之

萬里茲爲別西風落葉時親朋今散盡老病更誰知勸爾千秋業悲予滿

鬢絲何年重聚首忍淚話臨岐

俗作岐

爲星齋丈題西崦探梅圖二絕句

曾聞西崦梅千樹今見吳生畫裏來林下水邊無一客年年蕭瑟爲誰開
山信頻煩寄一枝雪中猶記昔遊時疏花空際誰能賞孤櫂衝寒獨詠詩

立冬日再集同人飲寓齋對菊然燈有懷仲彛子縝少質心雲子宜

雲門諸子

居然有菊卽重陽

東坡十月一日海
上作重九詩自注語

循例花前作醉鄉翠袖故爲今夕

煖錦茵仍接隔旬香不須溫帽隨時俗

馬縞中華古今注魏文帝立
冬日賜百官溫帽遂以爲例

自愛

華燈駐景光只惜酒人今散盡無多天末共霞觴

得子宜津沽書卻寄

海上一書至天涯十日思窮途憐老病多難重分離吾道孤誰託交情死

可期禮堂虛寫定炳燭惜衰遲

書中亟欲寫余所著書副
本且謀與同人合力梓行

小雪夜菊花猶盛邀牧莊禔盒彥清弢夫小飲寓齋卽送弢夫還台

州兼懷子宜越中雲門楚北

琴尊客裏暫相親小雪圍鑪覺自春薄醉花光都帶酒初寒燈影倍依人

眼前綽約千金值別後星霜一路貧莫惜夜深貪久坐天涯幾處月如銀

哭仲弟二首

噩耗傳來慟朔風對牀前約竟成空方期袁令生非晚誰謂龐公日已中
弟今年四十七無疾而卒故老境久思依骨肉荒年從此了貧窮三間破
川南史袁昂語及龐居士事屋都無分一領牛衣當節終

生前汲汲百無歡翻幸無知到闔棺健婦卅年重問訊諸殤九地定團圓
弟前婦陳孝廉懋之女持家甚健殤膝前更想依親樂泉下差應比世安
已二十八年弟前後生三男以次殤顛倒轉思莊叟語靈牀琴絕不須彈

越縵堂詩續集第三卷

越縵堂詩續集第四卷

清會稽李慈銘愛伯謨

姚安由雲龍夔舉編

戊寅第三歲日立春日號

入年三日便交春綵勝桃符未覺貧爆竹煖催梅萼放燭花紅映菜盤新

侍郎分俸能充饌

謂伯寅侍郎

中舍貽醪足度旬

牧莊釀致佳釀

五十尙貪童戲法不

須藜杖強扶人

人日至晚遇雪喜賦

比歲大穀憂旱方甚近得雪三次矣

草堂人日正停箋喜見梅花趁雪天三徑漸看成月色萬家從此起炊烟

久勞玉御修清醮深望珠賸報有年爲想瑤池王母宴不誇瓊圃對神仙

李嬌人日遇雪應制詩卽此神仙對瓊圃何須轍迹向瑤池

又戲爲人日雪仿唐人豔體詩寄子宜雲門彥清子縝和之

錦屏寶帳貼人忙，微雪春生白玉堂。
勝裏金花添冷豔，釵頭綵燕颭清光。
定知絮入椒盤詠，卻恐梅迷鈿額妝。
聞道燈山新上色，五雲樓閣在微茫。

唐崔日用人日詩金屋瑤筐開寶勝
花箋綵筆頌春椒第五句用其語

二月三日送彥清歸里二首

天涯相惜鬢絲斑，送盡窮途旅客還。
貧裏向人皆白眼，夢中何處是青山。
獨支老病滄桑局，強附窮愁著述間。
此後酒壚應更寂，好花誰與一開顏。
此去江南水接天，故鄉歸及冶春先。
酒香簫鼓斜陽社，人影烟花上巳田。
羨爾東皋攜眷屬，幾時北郭續因緣。
君世居昌安門外爲越
之北郭亂後寓皋步練裙少長俱
無恙，孤負今朝藥玉船。
東坡二月三日宴客詩開雲
夢羔兒酒快瀉錢唐藥玉船

戊寅春日種樹詩

我生喜種樹，隙地常勤治。
賃廡得一晦，手自開町畦。
土瘠苦難活，巡行日

培滋餅甕或親抱蕪蕒加芟夷今歲值大禩柴立長苦飢質衣尙爲此栽
植盈階籬山桃亦已華水楊初含萼杏李半坼萼紅白何離離丁香吐紫
藟壽檀燿黃黧海棠孰夾侍櫻桃與欒枝欣欣向春暄撫之殊自怡一年
幾辛苦所晒花開時此得豈償失暫樂能忘疲雖云費日力聊以息我機
萬物遂生意四時驗功施無地得自效吾心自孜孜作詩諭同志此事非
荒嬉

輓星齋丈四首丈與厥配陸夫人以同日逝故有末章

分野沉雙曜朝廷喪五更鬚眉猶昨夢尊俎絕平生公去稱全福吾悲失

老成淒然臨訣語書字不勝情

公殯前一日作書與余別書成自謂字不工復手毀之

少日佳公子連雲甲第開衡文窮六詔平步阻三台雅澹能持俗風流祇
愛才平津花樹好東望獨徘徊

海內論知己公家萃一門詩筒花萼遞

謂紱丈

槃饌竹林分

謂伯寅侍郎

傾吐皆

肝鬲商量總藝文靈牀琴獨撫一笑想淩雲

鶴髮童顏伴清閨樂有餘劉樊同拔宅卜傳自安居似此真偕老相隨返太初遙知三島地白鹿輓軒車

王氏妹書來言仲弟淺殯草間未得一抔之蓋賦此志慟二首

亂後全拋負郭田一棺苦覆越江邊牛宮轉羨生前樂蟻穴深愁日久穿半世飢寒無爾顧九原狐兔更誰憐先人何罪身何罰慟絕蒼黃欲問天十載長安鬢髮皤囚山窮鳥日悲歌人間自歎荆榛窄地下尤傷骨肉多負土已知無子姓首邱猶冀共巖阿眼前弟妹俱貧弱日炙風吹奈爾何

夢潘星丈

一別鬚眉渺典刑夢中綠野話平生窮途易切酬知感老境難勝憶舊情

門外轎車過慘咽

前一日丈出殯某寺喪車過余門適送客見之竟不及一奠也

案頭箋札尙縱橫歲寒

扶杖頻相慰腸絕南來斷雁聲

去冬桑開仲弟之計過唁者惟丈及同鄉牧莊禪童三數君而已

紱丈書來言新用杖不出門因以海昌白菊仙居野朮爲壽賦寄二

首

流憩資扶老園林乍策功豈嗟彭祖晚聊與木公同雨後朝眠起花時午
酒中媿無鐵柳栗還寄樂全翁

甘井菊能壽靈田朮最良泉通天目活雲帶赤城香昨有還山信傳來卻
老方餉公權當茗曳杖一相羊

寄王景瑗表兄二首

文獻東南鍛鏤家儒官祭酒髮垂華芝蘭白繞盈庭樹桃李長添一縣花
甬上衣冠看釋菜海壖文武列鳴笳弦歌能化錢刀氣坐擁皋比勝建牙

中表崔盧是世親郭西坊巷復相鄰十年長自修兄事二頃田猶念我貧
白髮光陰同作客青箱子弟獨超倫何時歸老茆堂下對占霞川一曲春
謝王景璦饋獐桂野朮

桂父千丸世久誇商邱服朮駐容華鳥銜徧地初成果龍蛻何年不記花
丹質猶封獐峒雪赤斑微點嶠城霞故人此惠兼金比何必遙尋句漏砂
上虞連明經兄弟以幣乞譔其先人訓導君仲愚墓表三年請益堅
文成寄去復媿白金酬之以詩

世上小兒誇捷徑但憑官職不論文輦金爭自求居易覆瓿何人問子雲
不作媿辭差信我肯輸重幣獨憐君賦詩聊用驚流俗先德千秋播孝芬
夏晚雨後月下坐涼作此柬孝仲病中

好風自西來晚雨過微徑披襟如當秋稍喜庭宇淨綠樹吹細涼孤花澹

欲定明月升東簷流光照杯槃攜几就其間蕭然理清詠我生固天窮守
道特能聽譬人非理爭退處不受橫積憂似聚兵善解等脫窅景光偶可
乘暫時樂吾性七情遞爲帝一豁乃偁聖比日多悲懷觸處入淖淖幸此
俄頃間行坐返其正張子亦瘁士劬書夜未竟徒步直東閣旦往返以暝
微疹或相感百病雜然應我聞園土囚一身木爲命偶然負牆立搔摩樂
餘映又聞尹氏僕執役日力併夜夢爲王侯恣意無與競人生亦何常轉
瞬易季孟長安冠蓋徒襤襪爭造請歸來對妻子面目熏餽飮一心營無
主四體慙所令蜚鴻千萬羣飢餓劣支脛得粥偶一飽鼾眠不知病取彼
兩相較得失果孰勝願子養天倪不授物情柄隨事取寄適膏煎豈易罄
一語出達觀萬倍良藥贈樂於榮啓明斯言非吾佞

陶文沖以手采新茗及其家人所製筍脯乾菜遠自越中寄惠賦詩

爲謝

越山茗似幽園姝長眉細頰玉不如嫣然埽黛奪天綠鵝黃覆額髮半舒
點之細乳發輕碧雪敷花展浮珍珠龍井作娣洞庭姪顧渚作婢畚作奴

洞庭謂太湖之碧螺春所舉皆浙產耳宋人茶有烹點二法烹者煎煮之
點者今之淪浙東西之茶皆宜點而不宜煮東坡詩自注有點日注絕佳

之語日注卽日鑄也筍出裏山亦殊絕粉指攢攢擢寒節翠襦深裹冰雪肌烏爪麻

姑比猶劣連畦芥脆尤南珍三十蔬品無與倫鬱之愈久香益發風味清

古如幽人我生近山習田畝紫甲青尖夙能有誰令墮落泥犂中鄉味流

次滿饞口君獨念我塵膠牙入山親采騎火茶碧甌封題遠將寄腰以穰

谿甘菊花竹胎脫縑白十束綸組千純嫩於肉紅鑪手焙煩細君簞筥團

團壓踞鱗竭來淪試松風長消渴不藉甘露漿寒廚三韭頓屏斥午飯吹

徧鄰家香長安十室九枵腹穉年疫厲併溝瀆救之無術坐享此恐君折

我醫齋福

酷暑中禊盒來饋荷花且貺新詩約爲十刹海之遊賦此奉答

炎官虐燄恣三伏老屋打頭日跽跼無人裹飯看子桑飲水枕書過幽獨
故人念我來敏門清風謾謾迴笑言爲道北湖好風景荷花十里開朝暾
一畝泉流清鑑影三坐橋邊爛堆錦折枝攜示風露鮮豔豔紅衣照几枕
比來思屬江湖賒日遣入市買此花銖衣不整髻鬟倒膽瓶一夕添光華
君言一轡未能飽萬柄亭亭夾城道雖貧下澤尙能辦莫負凝妝待清曉
稔我積癩難昭蘇新詩百琲投明珠上言同志重聚散下言行樂排憂虞
藥城妖言幸已息

今年五月間京師說言迭興愚民岌岌不保至屢見章奏兩宮申諭始稍定

木飢火旱亦將

極歷劫不死非偶然邪許勞歌慰貧力我聞君語起蹙然喝人休越如登
天攜君京雒花游曲同上河隄黃篋船

雨後輕陰偕禔龔攜家人游金鼈玉螭橋至十刹海看荷花飲興侍

郎水榭作

苦熱得雨如醒羊侯促我湖邊行天公亦憐久不出朝來不放驕陽晴
一鞭西穿鳳城入玉虹高跨苑湖直五雲樓閣環鏡中淥水中分萬花立
提鵬挈鷺香徘徊玉泉蜿蜿城西來宮牆曲折繞花苑時見樹隙湖光開
萬壽山西碧葑展積水潭東白波輾緋霞縞雪相澄鮮翠蓋千畦共舒卷
高槐古柳雙隄長清風踈地鞭絲涼朱門夾水照華好憑闌各各凝紅妝
侍郎水檻更清窈六六明窗俯花杪鵲鵲對對不避人花香衣香互繚繞
君攜蟬鬢萼綠華後車我亦馭簪沙安得湖中買船住竝舫各借花爲家
花光忽斷百稜稻風葉翻翻翠如埽田田大有江南風令人不思故鄉好
沿流莫問蝦菜亭西涯漫園餘草青卽此碧紗數弓地他年未必能重經

不見西鄰有華屋主人三吳轉漕粟昔年我亦結侶來曾借樓居縱羈目
樓高下瞰湖之中生香十里玻璃風夕陽倒射碧簷影湖光朵朵金芙蓉
居者久化樓亦否來者今存十無九而我貧病猶看花安用臨風搔白首
羊侯傾橐營行廚流連魚鳥相怡娛回車更約經太液飽看蓬瀛金碧圖
壬申夏余與朱肯夫張香濤陳六舟謝應伯吳清卿王廉生諸君來遊飲
於浙江督轡道奇克坦家今奇君久歿應伯亦亡六舟守瀛肯夫使湘清
卿于役河間將西上隴廉生客蜀在京者惟余與香
濤耳奇所居有樓與今盛京侍郎興恩宅西接也

七月一日奉簡孝仲病起且答其秋遊諸寺之約

伏日劬書不自休喜看涼琯轉從頭閒庭莎綠初含雨遠樹蟬聲漸變秋
終日門闌本無客偶然腹飽更何求西風張籍沈疴起先約城南寺寺遊
鄭君生日欲具酒脯之祭苦無同志賦詩解嘲

化帛端門瑞再呈赤符衰運紹蒼精六經日月明常在千載蜉蝣婦又生

仲遠不勞僭弟子本初何事具壺觥陳書庚子先賢例束帶難勝仰止情

鄭君經注今存者詩及三禮以外易書近儒皆有輯本梗概已全論語雖有輯本不能成書孝經注則是否出於司農未有定論故止曰六經語

七月二十九日王厚齋尙書生日許竹簣朱鼎甫兩編修袁公虎戶

部濮梓泉庶常觴予於松筠菴爲豫作五十之壽賦詩奉酬二首

雲物清秋近帝閭勝流裙屐展華觴生辰爲借深寧叟佳事長流諫艸堂

敢冀家傳比麟鳳厚齋與弟太常博士應鳳同日生相期晚節勵冰霜百年耆舊凋零盡

修敬居然到漫郎

甬江私淑自平生困學樓居舊系名余讀書一小樓先君子顏之曰困學後所得書皆儲其中經亂悉燬孫退

宜山人詩所謂困學書樓已作座者也異代經師尊伏勝九流學海匹康成讀書深媿知非

晚聞道還期炳燭明厚齋自題困學紀聞云炳燭之明用志不分勉接東南文獻脈坐中廚顧

一時英

戊寅中秋時孝仲來寓齋中感賦二首

明月入吾室仰看河漢流百年憐二鳥四海共中秋到處悲歡異浮生老
病休著書徒自苦急爲稻粱謀

寥落天涯裏荒齋酒一尊秋林危墮葉皓月自當門計拙安身賤心閒覺
道存斯民艱一飽吾事且休論

苦雨謠三首

秋霖積日慘不開太行黯黯愁西積農夫九死補田作坐看辛苦成污萊
黍子垂頭萬黃粒丈半紅竿颭稊稊方覲暫飽償積飢詎料垂成委枯銍
天公愛物偏無私朝廷旰食施淖糜天心君心本一體始知災沴民自爲
我釜無魚甌無粟謁鬼不通日炊玉飽看雨腳愁向天豈惟野老吞聲哭
桑乾水自樓煩來挾沙橫決如奔雷緡錢告絀外繇困危隄巖巖常崩摧

神畿南北一河繞南岸堯危北隄倒積年薇薇晒雨工十室一歸復逃澇
我乏羨卒半晦田太倉斗食饗無緣蜚鴻滿野心悄然豈但墨突無炊烟
頑雲缺兌現雌霓雨勢騎月夜益急東榮震裂西栢傾昏巷沈沈萬憂集
蓋頭未得三重茅瀧瀧簷霑百竅號四壁股票撼牀動一燈危與神魂搖
傭書力賃三間屋流潦滿庭帶溝瀆何事復取造物嗔童僕愁冤爨婢哭
人生呼吸皆由天幾家高枕能安眠排牆死亦等化耳蘧蘧安必非真仙
君不見東華門外火城溼千官陞楯雨中立馬蹄騰蹕絕淖行漆室遑知
有人泣

招隱辭

有序

淮南桂樹以招隱士出而仕也余之所歌屬招于隱名同旨異不
必云反沮溺丈人風斯遠矣

主人端憂客進言我歌能令公解顏公胡不歸雲門山峯峯巧挽青螺鬟
桂花未老楓葉丹溪流曲曲如玦環山回竹斷逢飛泉鐘聲十寺斷復連
花深一磬穿秋烟秦望翠若波濤翻鑪峯危戴雲中冠下有陽明古洞天
令人一步千回旋湖塘十里開平川屏風列嶂丹青懸青林碧篠圍檀欒
華屋鱗比盈萬廛白雲突出紅樓妍開窗面面環青蓮柯山巖壑如雕鐫
秋清峭壁藤蘿纏一磴窺湖湖鏡圓沿湖邨邨烏桕殷斜陽盡作胭脂斑
下接菱艸繩相牽時見菱女小艇穿湖山之美難具宣公胡不具獨鹿轅
或舁籃舉相後先佩壺挈榼從青猿有時載酒上畫船古書捆束縹緗聯
古香佳槩四部全香鑪茗盃無俗頑斑絲隱囊輕勝縣奇器一一隨方圓
名琴雖設不取彈越女之白天下傳輕鳳弄玉雙嬋娟絳襦纖頑玉削肩
墨珪幽靚花爲權淡妝炫服各自憐捧卮含笑來公前爲公拂几排牙籤

粉指印滿青絲編有時研墨調丹鉛校書既畢哦詩篇日注雪芽百跨團
對山時汲清泉煎家家打稻香滿田煮菱剝芡烹魚鮮團臍大螯不論錢
公乎一醉能忘年近遊旣足遠亦便西溯百里桐江間頭亭艇子十丈寬
漁姬婉麗能管絃挂帆直上嚴陵灘水色縹碧之作灣夾以千仞青峯巒
交柯蔽日竹萬竿瀑布四界飛猱緣九里梅花邨在邊樹腰十圍花似拳
花飛亂點珊瑚鉤東出剡谿就輕篴天姥雲際修眉蜷天台赤城一徑攀
國清異境開仙寰松陰布算聲鏗然賢首道場花蟬嬌古德不談衣鉢禪
三生香火公所安盡繙貝藏窮涅槃上尋華頂躋華鬘金光昱昱摩天關
霞飛百道星辰攢藍橋萬丈游蜿蜒下俯清溪激奔湍薜荔絡趾雲生巔
當之六月生清寒林棲每見堅牢仙斲苓隨向楓根眠公乎此樂儕喬佺
采芝飯朮壽且千丹巖碧海常來還胡爲五嶽胸鬱蟠人世逼仄何足歎

我起公疾公無難願公輕齋駕歸舡

秋霖忽晴束紱丈爲酒壚之游

忽地商飆起沈霾一掃清天心娛晚節老境愛秋晴樹脫欹巾便苔乾曳杖輕寒衣雖典盡酒市且經行

秋晴憶越中光相橋故居

鄉心且莫道林泉卽論城居也似仙橋市玲瓏隔秋水山亭峭舊出寒烟微風巖桂臨街宅落日湖菱上堰船西寺鐘聲如舊否幾時紅鳥著僧邊

光相寺卽晉之西寺近燬于賊

題曾退庵舍人熙文明瑟山莊課讀圖

丹黃三萬卷卷卷手親模退隱疏泉石清芬入畫圖水分鳥口澗花迸紫微壺家法茶山老風流在海虞

送孝仲還里二首

病裏持君別相看
乏寶刀疲驢扶羸疾
短褐犯風濤
十月重洋險
千山落木高
故園松菊在
息影解天弢

困極營營吏
還回已十年
微官方挂籍
一病遽歸田
祿薄家人怨
身辱路鬼憐
吾衰君更甚
搔首問蒼天

戊寅冬初雜感四首

朔風凜冽起庭柯
一夕長安落葉多
南去波濤窮勃海
東來陰雨接黃河
豫愁鴻雁天邊少
誰見壺觴客裏過
千里瘡痍家四壁
許身稷契欲如何
太行西去地皆童
又報東南徧澤鴻
楊可告緡心未厭
延齡除陌計將窮
救荒自詡疆臣策
轉餉虛論賈豎功
終見大夫興權酷
賢良譟語等書空
絕島東番郡縣開
又驅周索出輪臺
天驕金帛終何極
橫海樓船歲幾回

拓地祇鏐餘善去和戎待縛鬼章來河湟解辦維州入始信僧孺是下才
金印虛懸鬼一車競傳夷俗變中華鄆流已壞離寧法鑿空爭乘博望槎
未必拔釘輸趙賦深防賣國繼吳牙梁公祠宇人間徧寄語纖兒好作家
孝仲嘗饋白燭今夕用之盡矣孤坐有懷卻寄道中

蜜炬貽來爛似銀青簾寒照苦吟身已悲形影分千里猶愛光明爲故人
溟海可能無疾苦今宵何處息風塵幾時相對山窗下聽雨挑燈共細論
立冬日東鄭盦侍郎

玉衡指上冬八能按鍾呂勞人喜養夜志士悲短序寒日何蕭條落葉積
庭戶朔風偶披幃寂寂此中處故人昨有饋炊烟偶然舉課童補窗壁暫
計息羈旅菊花亦耐久娟娟依寒宇因之念故園東籬渺何許紅葉滿空
山誰聽靜中雨

對菊作束絨丈

閒對數枝菊誰來酒一尊
家人聊煮茗暖日不開門
爲想退吟安蕭然獨樂園
扶筇應一笑詩意兩忘言

孟冬十七日雪晴後絨丈賦詩見簡用韻奉答

放翁生日罷銜卮

時丈以病戒酒

正及頭番雪下時
一夜梅開江上驛
半庭山入

畫中詩烟筇鏡權情何限
桐帽屨事最宜猶有風懷堪把菊
初晴籬落

寄相思

得孝仲滬濱書計近已抵里雪後訊之

鴻雁盡南遷之子與余別微言誰共參
蕭寥我心結昨得申江書行程趁寒節
霜風吹五兩中流一帆絕照見歸人影
斜陽與明滅遙知抵里門三徑掃除潔
晚菰翠堪把殘菊黃未折款款親戚話
曖曖松柏悅日午開門

看遙遙數峯雪

秋末屢約禪盦仲彝君表游西山許竹簣爲言翠微山祕魔崖之勝
勸先游之又以事阻近日得雪山思益深賦詩柬諸君子

夙有山水嗜微尙屢難愜太行峙京西靈區未嘗躡頗聞翠微山麗矚近
可涉舊壁飛清泉層巒絢紅葉藤蘿互雲衣松杉舞霜嵐穿林得縣崖了
了見城堞杖策旣取便昇躋亦云捷祕奧雖未探勝趣暫能協譬如讀異
書大義粗涉獵我聞元度言荷裳待先攝相與邀素心共理前齒屨人事
苦不恆病魔復余懾佳賞一以負幽徑孰先躡烟霞每納夢蒼翠常在睫
昨夜雪初下山理繪層疊想見烟寺深寒光遠相接安得借僧樓撥火擁
經笈冥與鐘聲會靜聽鑪香裊寒淙玉細響凍竹冰半摺寥寥茶烟生山
情此時怙

寄懷雲門修志荊州

錦袍載酒仲宣樓西陝聲華據上游江水寒消洞庭雪峽山樹接渚宮秋
文章銀筆三千紙賓主珠槃第一流應是歲闌催省覲梅花官燭送歸舟
冬晴早起再柬絳丈和前韻二首

天心藏物候吾道閉門時葉禿樹能靜石寒山益奇詩情爭雪艷老境與
冬宜自有春和在應從杖履知

晨興巾櫛罷茶熟粥香時事到窮途少文從晚世奇論交千載足閉目一
生宜負日南榮意黃花與我知

絳丈再次韻見柬復疊前韻二首

官閣詩成後寒門鵲噪時迹疏情更密文少語能奇寒夜留燈久荒年減
食宜閒身憂樂意應有古人知

看書還讀畫消息總隨時瓶小棲花豔冰殘鬪石奇三冬棉襖足一飯菜羹宜此福人間少休令俗客知

仲轅爲余贖羊裘詩以志謝兼寫所懷

一領羊裘直十千禦冬深荷故人憐綈袍贈豈同須賈袂布寒猶媿百年

兩世襪衣無此物

先大母先妣皆以奉佛不著裘內子亦守此戒

一家短褐自前緣京邸中家人皆以絮衣遇

冬

宵來別有安禪法絮被如烘裏足眠

安禪字見范忠宣詩

絨丈三次前韻見東復疊和六首

奚童頻走東剛及早炊時我力看將竭公詩愈出奇心邀迂客賞銜署漫

郎宜裴白聯吟事風流定可知

爲道貧家樂晴窗日到時茶光如雪淡香篆得風奇赤糝堆盤熟銀魚入

饌宜山姬還解事薪盡不教知

糊窗施阜帳商略過冬時日影侵霜薄霞光奪雪奇風門桑紙厚石炭瓦
鑪宜車馬門前路壺中自不知

插架書多散難忘閱市時才從三史富老覺六經奇青帙圍牀徧丹毫點
句宜畢生高密學心事禮堂知

亦有消閒地添香注水時畫耽唐法密碑愛漢分奇花影當簾靜松枝拂
几宜晚來還理詠消息寺鐘知

應門虛設簿絕少客來時戶礙蛛絲巧牀看鼠迹奇家風盤谷舊詩派武
功宜似此嬖娑樂還教洛社知

諸妹及舍姪皆寄金爲壽貧家拮据遠道辛勤得書悲來無端詩以
寫之

劇憐作苦寄金來鄭重封題忍淚開孤露餘生何足算飢寒諸妹獨相哀

十年骨肉分沒半世功名竟草萊贏得向南增一慟天涯誰與勸銜杯
十二月十五夜敦夫子縝月下見過次夕望月色尤皎作詩柬之
歲暮數佳夕清輝今倍寒徑猶三益待月隔一年看老樹鴉聲噤虛簾燭
影單耽吟應不寐耐冷倚闌干

東坡先生生日同年曾君表羊敦叔兩比部陶仲彝郡丞子縝編修
鮑敦夫陳汝翼兩編修楊正甫舍人攜廚傳過寓齋爲予豫壽五
十賦詩紀事三首

梅花深雪照瓊筵剛是南飛鶴降天詩虎酒龍千里聚瓊枝璧月兩行妍
有樂部霞芬諸郎已知此集傳圖畫自覺清談勝管絃良夜百杯應不惜人生能

幾到華顛

戒公過嶺話將迎我亦瞿曇記再生

余前生爲天台僧

笑學雄文成畫虎差傳豪

氣欲騎鯨命宮宿柳猶非匹酒戶量焦足並名忽憶卯君琴已絕香盤拄
杖不勝情

謂去年仲弟之痛

游戲紅塵鬢已華耕雲修月作生涯謫仙再世丹元子書吏新宮蔡少霞
筮屨隨緣成舊雨海天一醉借名花題詩他日推庚甲九老同過李安家

是日主客共九人

東紱丈病中時臘月二十二日

聞說維摩縈小災護經簾下待春回靜聽樂鼎消殘臘細嚼梅花當宿醅
魚粥和錫宜緩款支筇看鶴亦徘徊一聲爆竹微疴失會乞甜羹潤筆來

用是日李端叔借希韓德循天雷亭圓茗首坐品茶事

越縵堂詩續集第四卷

南通馮

雄翰飛校

越縵堂詩續集第五卷

清會稽李慈銘愛伯謨

姚安由雲龍夔舉編

己卯元夜敦夫敦叔仲彛子縝小集寓齋

上元風日入春妍開徑停雲小啓筵貧裏杯盤三韭足客中燈月一家圓
閒身因病能無事佳節占晴喜有年爲想傳柑宣宴罷漏聲隱隱鳳城邊
賀伯寅擢御史大夫

漢廷亞相繼三公首陟臺端一品崇獨坐舊居中執法六官仍莅少司空
君於甲子乙丑間以副都御史署工部右侍郎及今擢總憲仍攝工部左侍郎皆以山陵事也蘭陔日映宮袍紫蓮炬春
回苑樹紅自有清名驚百辟不須白簡已生風

花朝夜飲霞芬新居

驕驄扶醉趁花朝來扣銅鋪月上梢深院漏聲通密坐畫簾燈影定新巢

倩顏上酒春紅重纖手藏鉤輒玉交似此良宵暫行樂銀屏咫尺忍輕拋
己卯三月三日偕敦夫禔盒子縝集城南龍樹院餞仲彝之官吳中
子縝有作卽和其韻

銀罌翠鏡向城闌暫緩驪歌拂鈿塵魏晉清游三日例京華佳事曲江春
尊前草入池塘色坐畔花依鏡檻人爲說渡頭桃葉近湔裙重待玉河濱
時子縝姬人將至有聞
三日游極樂寺之約

同日禔盒復以詩見眎再和之

城南游屐歇經年爲選良辰作祖筵風動葦間明積水山斜堞影入春烟
醉鄉漸覺花枝老歸路愁看草色連絕憶全家上河日夕陽蕭鼓郭門船

余家舊事以是日詣木客山上高祖塚山與
園亭連君詩未聯憶庾亭之勝故述所懷

送仲彝試令江南二首

送君此去試鳴琴春水桃花別思深羣從才名俱國用中年出處總親心
九科匡鼎知非計匹絹胡威好嗣音自古江南游宦樂不須手版歎浮沉
大府爭求汝吏方近傳明詔罷貲郎澄清漸見官師肅撫字尤資牧令良
幸有寫書傳治譜莫嗟捧檄滯周行懸知十畝公田稻猶勝侏儒羨一囊

己卯清明後大雪連日積素平階有生所未見也賦此柬故山諸子
清明三日雪大作積曉寒光滿簾幕乳鴉雛鵲噤不聲稚杏夭桃凍回萼
垂垂花樹誠可憐先生亦復翹吟肩敝裘久已付質庫天公相戲毋乃頑
方今復土戒行早萬乘三宮急馳道頗念畚耜千夫輟欲使橋山一時縞
我思鏡湖春水生柳花如雪飛江城上山杜鵑下山薺籃舁簾舫隨處行
辭家作官計誠拙執戟虛名不堪說拋卻一畦田水聲來看西山暮春雪
案頭種麥一盆青青可愛水仙紅梅亦尙有花者以山桃雜插入瓶

中作詩簡同志諸君

種麥在盆盎入春葉漸舒青青作方罫日日勤溉濡頗覺几案間田野漸
可撫水仙雜絳梅玉佩揚羅襦數枝擢晚秀歷久彌妍腴山桃亦已華紛
插盈瓶盂絕代本難偶異質各鮮敷席硯函尺地粲粲環名姝古書相映
發暗香風與俱靜驗生意足默推物候殊和氣一以感泯然化榮枯爲諗
素心友存養今何如

寓庭今年花事極盛得絕句四首

六年栽樹幸今成紅紫濃香各擅名爲照主人頭似雪夕陽相映更多情
常擬娛親闢小園卜居難定一枝安卽今半畝垂垂朶不及閒居奉母看
迴環小徑綠生莎別占春風錦一窠贏得隸人沿路說冷官無事種花多
海棠粉褪柳絲斜一樹穠桃爛似霞蜂蝶不知人迹斷也尋花事到貧家

己卯看花絕句二十四首

北地由來不見春今年置閨恰當辰百花次第第三旬發特慰黃楊劫裏人
爭說千官扈蹕回田盤馳道百花開杜鵑一樹斜陽裏獨向蒼梧泣血來
閉門高枕有何功同是無私雨露中閒卻裁量今古手年年種樹課春風
珠崖潘叟古獨行十年長我謀歸田先春豫約游諸寺病過花時更可憐

謂瑞初

閨重三日嫩晴開先向慈仁結隊來幾樹鸞枝紅艷裏夕陽和影落茶杯
西直門西輦路長獨垂鞭影過高梁寺門未到春塍綠時有雛花出短牆
海棠百樹列東西紅萼千枝點綴齊誰識畫廊迴繞意獨來花下解偏提
晨旭猩紅萬點葩夕陽漸展碧城霞不須羯鼓唐宮法一杵齋鐘已放花

是日以亭午至極樂海棠開者僅十
之一二哺後回車已十放四五矣

梨花片片落蒲團一樹輕籠佛院寬似此不生閨閣裏無人月下倚闌干
六角空亭半畝荒山烟塔影入林光蒼深大有江南意獨背花枝看夕陽
西有極樂東花之祇林雙樹繫我思質衣又僦草驢去十日不出嫌已遲

日讀
謚

韋公柰樹記前朝鹿苑春風事已銷獨有沉香傾國種年年彈淚濕紅綃
高度金輪足十尋花身量比玉杯深端相恨乏邊鸞手寫上吳孃軟繡襟

於都中
靜海
玩董
畫家
所以
千葉
爲貴
花開
極闊
漫時
大皆
如孟
犂粉
吹脂
宜冠

出寺蒼然對遠山鳳城又見折花還獨行理詠平生慣不似今年此日閒
再向慈仁寺裏游夕陽庭院足勾留丁香夾徑清陰裏如雪花枝照白頭
隱几清風松下生偶來鳥雀絕人行花陰一縷茶烟綠剛與諸天界晚晴
細數名藍白紙坊頗思排日遣春光棗花法帖長椿畫誰炷鑪香坐梵房

崇效寺本名聚花寺汪容甫所得定武蘭亭開猶藏寺中前年訪之寺僧
閣不肯出僅見其紅杏青松圖卷長椿寺方丈懸明孝純太后毗盧像聞
尚有真者一軸及九蓮菩薩一軸寺僧亦祕之昔年
嘗以劉侍郎師寓寺之對門約共訪之亦未果也

爲約明朝共送春撫琴動響宗無鄰沈公與馬成雙攢莫向淵明覓酒人
欲賁東鄰下澤車天寧去探牡丹芽山姬爲語春衣盡且自關門數落花
手種朱藤一架餘葳蕤深鎖子雲居清香滿院無人至日坐花間勘異書
消得餘春十日閒古閑切綠陰如水動輕紈不須乞米還書帖一頓藤花足

飽餐

紅藥豐臺盡入城滿街喧聽賣花聲亂書堆裏香重疊插徧癭壺折腳鐺
每怕花時風雨侵及今花落盼甘霖祈年共有蒼生望豈獨關心到綠陰
長日閒居待細論李桃結子竹生孫一年花史編詩訖朝事從他到耳根

山谷生日偕敦夫子縝鼎甫諸君小集

涪皤一去不可期文章風節百代師我非瓣香心實儀敬公行事歌公詩
年年生日當炎曦誦公詩句清心脾龍井綠茗槍一旗洪州雙井相等夷
荷花坼坼開紅衣西瓜脆切黃琉璃蜜桃盤大流瓊脂雪藕片片靈玉犀
佐以山陰酒一卮篆香漾漾吹明漪恍見惆悵來須眉嗚呼騎鯨天人姿
城頭濯足揮手辭八荒被髮隨敖嬉小桃源口鞭文螭朱幡清潁遙逶迤
我勸公醕公應知薦無百饗酸黃齋客無襪襪病夏畦高談清詠公所怡
願公松扇攜高麗風鱸石研隨事宜綠陰戶牖藤一枝艸堂謾謾生涼颺
神之歸兮賓亦飢小庭丁倒陳盤匱紫薇花影相猗靡雞臠水餅烹黎祁
明月穿樹映淖塵力貧一飯誠難希明年更憶今年時

己卯歲鄭司農生日作

己卯朔炎漢先生去冀州一年隕喬嶽

鄭君卒於建安五年庚辰時已至病自乞還家爲袁譚所逼載病至

元城縣計先一年已卯正由袁紹所被徵爲大司農給安車所過途迎蓋已去冀州矣

千古障洪流獨抱遺經常

深老病憂秀眉如可見寤寐此生求

題順德梁福草封翁九圖仿鄭所南畫蘭冊二首

老筆出塵外閉門歌楚些天懷想高澹詩思見萌芽空谷琴能語香叢石

是家應教五嶺畔不長素馨花

梁君自號十石山人

思肖不畫土高風無與儔承平根久著入烟墨外何求海上夷花怒庭前

帶草幽誰將千畝茜自比富民侯

梁君爲鴻臚少卿僧寶之父素以詩名有人倫鑒識李學士文田幼孤貧甚一

見決其不凡爲飲食教誨之今年七十餘矣

哭孝仲六首

一別相思日百回隔年竟慟訃書來抱經心苦宜遭忌與我情親亦召災
差幸餘生見妻子并無閒福臥蒿萊一身老病知交盡似此窮途倍可哀

去年寒雨出都城我亦沈疴輟送行常恐眼前成死別相期夢裏話平生
君去冬書來言自歸後無日不夢到余家百年遂盡論交分萬語難窮感舊情愁絕草堂燈火

下照君形影尙分明

拙宦長安百病支廿年筋力盡奔馳無田豈識生還樂薄祿翻深戀闕思
寂寞官衙題素旆叢殘手裏付孤兒六書訓詁千家譜都是春蠶未盡絲

君於說文蒼雅及人物氏族經籍掌故之學尤所致意而書皆未成

人仇鬼嫉待如何憤世孤行歷輾軻老受推排終不悔死羸涕淚亦無多
君計至其同年雨人某學士尙追怒君之不加禮九閭此事應難問一節傳君定不磨清議獨嚴

從賊律有人蒙面避撝詞

同邑某翰林嘗受僞職而家富於貴鄉人多從之遊爭爲之諱一日遇君廣坐甫揖君君叱之

曰若敢與我揖耶其人失色去

十年蹤迹最相親過我從無隔一句各媿天倫懷隱痛互期學問慰長貧

深談每苦宵晨促脫粟常誇飲饌新

君遇余必留小食君輒盡飽以爲都中莫及也

誰分履綦從

此絕頗聞驚歎到家人

匡中準備寄新篇噩耗猶疑是誤傳

夏中有說經文二首方擬以草稿寄君而君訃至

繭蝶生涯

先自了蓼蟲心事更誰憐千番手札看淒絕一束生芻尙缺然後死銘君

前諾在并將老淚達重泉

君於余一言一字無不欣賞嘗謂此生無它求死後乞爲志銘耳

寄懷程雨亭太守

儀洛

江寧去年以母老由吏部郎改外

一辭神武走江關羞老山公啓事間將母錦帆千里舫迎人手版六朝山
卽看真摯論交獨莫道循良作吏艱家法上元遺愛在勉持清白起痼瘵

答雲門自春中連得滬上書今未知消息

萬里秋風起索居遙思樊子益愁予小山叢桂三年別春水桃花二月書
鴻雁久遲君怨否江湖覓食近何如柴薪論語都無有東冶何勞賦鰥魚

唁仲彝銜恤歸夷陵將謀返越

尊人安軒太守病中望仲彝歸甚切及仲彝抵吳門而太守已歿於楚矣

捧檄勞勞未息柯星奔徒跳越關河零丁慟絕中塗帖思子傷心遠道歌

吳祐寫書寧有恃皋魚帶索待如何君家兄弟相關甚重感孤生廢蓼莪

六月二十一日歐陽文忠公生日偕敦夫汝翼禔盒子縝紫泉小集

漢後文章韓歐陽羣兒毀傷毋乃狂月宿南斗日無考克公月日言能詳

公之說詩吾無取公疑繫辭毋乃魯獨有師法契康成搜剔叢殘出詩譜

立朝大節尤嶙峋韓富文范相比倫政事輝映已千古風流徧被人寔春

鐘鼓清時暫行樂叶閒情還譜墮釵曲荷花深恐驚鴛鴦阜莢今猶夢鸛

鵲有琴一張酒一壺銀槍捧盞我亦無坐中不乏蘇梅徒公今不樂胡爲

乎

七月三日獨游十剎海荷花已盡小飲酒樓還至金黿玉螭橋看花

秦志馬山橋在縣東北二十里二當作三

簡同人爲西山之游

倦客厭塵境秋色歸名山一經太行秀西作神京環其中富巖洞精藍宅
金仙清谿絡潭柘高樹表戒壇時見白雲出相與飛鳥還頗聞祕魔崖楓
櫨交黃丹鐘磬出其下微露斜陽殷偶聞踏葉聲一二歸僧閒棲心宿此
境密坐圍飛泉尋幽乏濟勝卽此堪躋攀香山與翠微了了林麓間爲語
筇屐侶惜茲烟景鮮

秋日對雨追悼牧莊之作

積晦淒素秋霖續晨雨去靜對空齋中蕭條數庭樹落葉漸彫平寒卉
尙籬護露沈覺簷低閒澹得窗曙偶聽寒鴉過時見流雲度焚香黯經帷
幽獨此焉處素書空復披塵琴積已故言念平生歡閑徑幾人與張子獨

余愛時時枉芒屨風雨聞敏門竟然識君步析疑鉤幽深搜遺權譌誤紛
綸十經義覲縷百家注得理無游談深衷絕浮慕頻見墮燈燼亦或設寒
具流淖交九衢笠屐自來去何期斯人亡予懷復誰許默學爲世尤力貧
亦天妒宋寥虎賁飲悽惻思舊賦敢云達者希孰識靜中趣滴歷蓬蒿深
惆悵閒庭暮

包英姑歌

諸暨人包立身妹也署浙江巡撫布政使蔣益澧疏言包邨之破
英姑偕立身同戰死馬面山辛酉壬戌間余在京師不知其詳今
年己卯客有談英姑事者作此正之而立身事亦附見焉

包家有女名英姑娉婷二十頗有餘纖纖玉皙彎雙趺生小不著羅綺襦
朝汲澗中水暮爨山下蘇包山一邨外不識陌與衢解一朝狂寇沸江汜

先屠郡縣次鄉里彈丸一邨毒烽指百萬連營貔與兕阿兄奮呼裂裳起

悉集縶矜誓諸市市人謹言各效死豈有城與墉環以六尺枳豈有濠與

隍塹以一蹄水兄力拔山衆所恃妹從兄兮力是視解二夜縫戰士裳朝作

軍中漿出門驅賊如驅羊阿兄巨刃摩天揚小妹雙刀明月光甲縉荼白

繡襦襜揮刀先後如雪霜紛紛頭落千貪狼血滿襖褶不洗妝歸來語女

伴照水勻鴉黃盈盈入門去上膳耶與孃解三東安忠義各分伍桓桓四營

悉貔虎阿兄統領四軍主妹領中軍督所部壬戌五月賊大舉礮火殷天

矢如雨兄呼妹言亟集旅北當賊衝賊所聚我扞其北落賊距東西南面

屬之汝阿妹聞兄言嘯隊齊出堵是好男兒死此土有不出者視我斧解四

赫赫炎曦燒火雲撫循堡恃一軍崎嶇晝夜無停奔弓足戍削曳布褰

出不騎馬人守門渴無水飲飢無食忠義苟不失辛苦非所論解五賊尸

蔽野血漂筏賊圍幸開女力竭矢石不死死以噉耶孃已終女事卒語兄
好爲視無忽是爲穆宗元年之六月青山一坏首埋骨兩旬邨破氣冲孛
血海屍林莽同窟使者入告女戰沒死非女重事當核我作此詩補貞碣

解六

傷逝四首

爲謝給事增阮刑部福昌楊工部仲愈家兄刑部國彬作也四君
皆於今年夏以次物故雖輓迹不恆情好或異然親故之感不能
已也詩以傷之非特使其名見亦以歎老死之易耳給事字孟餘
儀徵人刑部字孝林會稽人工部字子恂侯官人家兄字雅齋大
興人孝林年最少而有志於古其死尤可惜也

黃門吾老友廿載不遷官玩世詼諧熟求人面目難中年登上第早歲列

詞壇學佛窮途事生天亦未安

不見阮生久清狂一代才忤人因笑罵養母竟蒿萊舊恨縈瑤瑟奇書探

玉杯霜純金碧畫展翫有餘哀

孝林善畫爲余扇頭作工
細山水三事至今藏之

楊生少予二擢第盛年時揮斥萬金盡疏狂四海知平生多狎妓餘事亦

爲詩與爾稱兄弟先凋倍可思

子恂壬戌山中書成進士咸以鼎甲待之
時宛平王登桂侍郎爲磨勘官素稔其狹

邪繼酒擲其小疏罰停一科次年癸亥選庶常假歸
久不敢入都十餘年散館改工部皆以薄游累也

與兄爲祖免己丑歲同生同竊貲郎籍同題乙榜名杜門憐共病無子各

傷情垂死不爲別忍聽發泣聲

雅齋病篤時妻致聲余爲延醫竟不果而
遽歿蓋不相見者五六年矣嘗三娶妻卒

無子其今婦去年新娶與余
納席姬同日年甫二十餘也

續傷逝二首 有序

余於八月之末著傷逝詩四章逮九月至今鄉人來言余輝庭舍

人以八月十九日歿於家王杏泉教諭以十一月三日歿於鄞學署二君皆余中表也老病日至同輩盡喪卽有歸田之日已無過從之人悲哉更爲詩以傷之蓋以寓話舊於弔亡冀通魂於來夢也舍人名恩照乙卯舉人教諭名英瀾紹興府學廩貢生皆會稽人

昔我先王母於君實祖姑舊姻比盧李修好異程蘇田宅勤增業文章老識塗生年同甲子強碩竟先祖

王子族親黨先余生十年知交同肺附貧病益周旋有子才能傑儒官老不遷訃音相逮至獨立倍潸然

觀宣府伶人侯級珊演仕女圖劇

髻髻登場百媚加栢枝鼓趁舞腰斜翠裙宛轉籠初月珠極玲瓏罩薄霞

差似祕圖張素女頗傳宮體出唐家六朝金粉飄零盡獨出胭脂塞上花

臘八日大雪中獻之走使惠銀賦謝

故人辭劇縣索米學山郎佛火依禪榻詩情到雪堂

獻之黃州人去介休令爲郎寓城東僧寺

高風能念我廉俸爲分囊欲款松關夕同參魚粥香

竹簣自蜀中奉使歸厚致饋歲賦詩奉謝

文章銀筆冠南州特簡掄才擁蜀轡使節同瞻金闕雪歸裝清帶劍門秋
頗聞珊瑚無餘士賸有瑤筐軫舊游自是相如今渴甚一杯露抵錦江流
冬日坐弢夫齋頭偕汝翼雲門茗話

短晷衝寒出圍鑪話倍長虛窗收日煖小室養花香世事閒能樂交情淡
可常茶烟如有意故故繞書牀

弢夫雲門冬日饋海棠

九衢積雪冰嵯峨誰開紅錦春一窠層城忽見玉妃笑頓覺天宇圍絳羅
朱鳥窗深綠綺戶阿環翠裘弄冰筋三郎枉自夸天公雨點催花亂擲鼓
巧工能奪造化奇兩君嗜奇爭典衣竭來買送筆門下窺牆驚集鄰家姬
袁安僵臥得奇福貯此傾城乏金屋終朝平視更夜看爲滅烏薪買紅燭
十二月十五日邀汝翼敦夫禔盒敦夫竹簣雲門夜飲草堂是日敦
夫生日前三日爲敦夫生日汝翼禔盒雲門生日亦相先後因用
東坡集中子山生日詩韻柬諸君

老梅入雪揚大芬松柏耐凍含麝薰歲寒盍哉冬心羣下上相逐龍與雲
環視萬木禿若焚山烟欲凝水不紋奇榦鬱糾枝葉分能令天地迴氤氲
中年求友得數君高談瀛海羅典墳各以所得抒爲文世士語言等鼃蚊
旁探萬類窮魂云不願燕然山勒勛不羨黃龍馳水軍五千卷軸各自勤

歲晚治酒相歡醺欲歸亦無田可耘且借帝里爲榆枌華鐙四照花繽紛
廬兒行炙椒桂炙醉歌喝月天應聞

謝敦夫太史饋歲酒二首

溫克如君少醇醪不待沽爲予澆磊塊傾意佐屠蘇小戶經年足春筵有
客需祇嗟張竦逝無物潤黃壚

謂牧莊不飲而妻致余佳釀

故里城西社衡門對水開市橋茶幔隔江驛稻船來何日歸三徑相從倒

百杯山陰家釀法焦杜不須推

山陰酒始見梁元帝金樓子君家善釀故云

歲暮得子縝長沙書

簪豪珠玉動明光持節承恩下九閭使者星輝聯越嶠

君與肯夫庶子交代美人秋

思屬瀟湘

君攜姬人

皇華驛遠詩瀕寄

來書言道中懷余詩頗多

蘭芷箋傳字亦香自

古楚材詞賦地好羅屈宋在門牆

己卯生日敦夫汝翼嵯盒弢夫雲門諸同人攜酒枉過醉後放歌

我生總在憂患中五十條過頭已童石槃鑽木百不遂止坐骨相生奇窮
平生幸得文字友一聞叩門笑開口歲寒落落千尺松世夢沈沈一杯酒
生日偈祝古所無況我龍鍾丁蓼荼強排積慘謀暫樂欲噓春氣迴窮途
長須埽門雪堆屋凍雀驚飛亂穿竹行廚駱驛酒滿缸壓擔肥羊白如玉
金絲鱸鯨鰔須王鮪萬里行頭顱旃脯盃錫琥珀凍鴨肪裹穠琳琅腴
腐儒十年菜園腹百費一豆萬緣足豈從閔叔求豬肝卻笑杜陵殉牛肉
君不見北門相國操璇璣年年上壽開黃扉珠履未散漏將盡尸居瑟縮
同雞棲西郊冢宰亦當軸三日後堂恣絲竹彈章一紙天顏噴匿景仄行
學藏六又不見御史大夫稱賞疆連天椒輓皆金張虜廷屈伏比良嗣朝
議爭欲烹宏羊一朝銀鐺入請室婢子丁寧挽衣泣卻思伏臘田家歡躑

躑躅蘭俛銅歷吾曹不結君房交子公亦無趙李相過從嫣然霜落萬木
表猶能嫵媚生春風眼前玉壺自傾倒緩帶輕裘盡英妙坐看紅燭高花
摧四照屏風玉顏笑諸君通籍蓬萊宮金門遊戲從衰翁努力早用彭祖
杖同探王母桃花紅

越縵堂詩續集

卷五

越縵堂詩續集第五卷

南通馮 維翰 飛校

越縵堂詩續集第六卷

清會稽李慈銘愛伯譔

姚安由雲龍夔舉編

庚辰元日試筆

麗日朝正啓九闈中興宣廟繼神孫孤生得見猶爲福晚景無多怕受恩
京雒衣冠元會盛故鄉耆舊幾人存自慚斗食千官末誰發盈庭白虎尊
庚辰正月二日書春勝

光緒六年歲在辰四夷賓服職貢均蠡茲鄂洛頑不臣皇恕一怒雷霆震
首誅共驩息囂囂天戈所指罔勿馴六合清壹無壅垠鬼彪匿跡野馬湮
海帖波濤郊不塵和風甘雨雲機輪家給人足嬰陽春八紘羅俊歸陶甄
大庭對策言天人讀書恩遇超等倫主聖臣直上治臻高爵厚祿長子孫
庚辰元夜汝翼竹簣弢夫雲門禔盒敦夫諸同人集寓齋

百年此夜漏聲催折柬招邀舊雨來竹竈茶香宜雪後畫紗燈影見花開
清時禁陌稀歌管中歲貧家足酒杯猶有閒情賺兒女鄉風還說火楊梅

客去後小放花爆火楊梅見
乾淳歲時記浙杭之舊俗也

謝雲門惠怡邸舊造角花素箋用山谷次韻王炳之惠玉版紙韻

我家會稽萬頃竹露斫雲沈滿阮谷拙工逐利失堅好杵擣千山不成玉
名紙所走萃都市溢屋問價轉華轂魚網厚韌出東澱蠶繭鮮明自西蜀
承平賢王有素尚獨裁新意斲冰幅不使纖紋侵行理小鑿樣花辨角曲
寫書實事此見端驕孫簡彈莫點辱翰林樊子惠我百欲試蛇蚓媿拙俗
承平視草老無分箸述覆瓿罕可錄何當歸去買五畝只種琅玕不藝菽
日求製法參玉版餉君詞源倒千斛

再題怡邸所造角花大箋

玉璽裁盈尺猶承若木華
盛時想清暇一事必名家
白礪明光雪紅妍押
角花摩挲文獻舊莫僅藝林誇

病起

病起閒難得溫尋茗一杯
南窗對晴日緇帙映紅梅
煖覺微香度風知隙
幔來此中有幽事覓句畫鑪灰

同年趙桐孫太守自歷下還津門歲暮辱書問卻寄

五馬猶聞按部遲燕齊幕府老驅馳
析津互市天驕國靈憲高談地動儀
君主西洋機器局事赤手誰籌防海法
白頭難就買山貲金門執戟憐衰暮
多感梅

花寄一枝

昔昔鹽爲始寧婦作也

有序

余舊日庸媼陳者上虞人嘗言其鄰婦某事有可感者詩之以備

采風

姜家東山下門指上妃湖蔓草侵行徑垂楊覆路隅采桑從女伴汲水媚
清渠繫纓屬田豎擔酒入邨園待年羞見面低頭日縫襦交年寧阿母上
堂告尊姑耀首飾銀璫稱身試襖綸幕離自加景生恐塵土污纖纖束細
步崎曲屢踟躕何來里中郎狹路故相須妾非佩瑱子君豈援琴徒請歌
墓門鴟爲謝大夫車言辭不可說徒活切逼迫近曳樓自惟守禮嚴金玉豈
能渝轉計謂年少野田非所圖前溪有槃石團團蔭青榆藉此當短垣爲
爾解明珠語低氣益婉頰顏掠牙梳少年聞之喜促步不須臾急揚皓腕
力推墮夾陵瀆疾行返家去不敢迴清矚何期感悅彪竟作溝中枯父老
共驚訝吏卒日擲掄閔嘿自彷徨常恐人鬼狙因茲重約素履綦絕前塗
橫鏡辭眉黛緘合謝脣朱良人漸成長花燭設青廬匹配幸伊始尊章旋

告祖藻砧忽見怒筆楚苦相驅妾身蒲葦韌妾貌蓮花腴冶容匪云誨菱
莢自含敷凶殘魏老生輕薄魯秋胡所遇幸非此薄命失歡娛力作甘答
辱終不怨狂且

寄唁王子獻子詒兄弟

甬江天末渺生芻返葬山中望素車銜恤定知生孝重驚心翻怪訃音疎
百年盡有丘吾恨一卷期傳禮服書還問鄰牆相和哭東華西里近何如

謂牧莊之二子時與
子獻兄弟比鄰居

香山二月五日花下詩云二月五日花如雪五十二人頭似霜聞有
酒時須笑樂不關身事莫思量余今年五十二矣誦之有感亦系
以詩

人生五十還羸二惆悵香山今日詩老物尙爲羈旅客餘年幸及太平時

并無北地花經眼，賸有東風雪上髭。莫惜典衣謀一醉，此生能得幾銜卮。

庚辰花朝日作

踏青挑菜過遶巡，第二花朝接上旬。風帽猶看京輦雪，畫船誰占鏡湖春。
銀甕翠管嘶驄路，鈿扇紅裙撲蝶人。多少少年行樂事，不堪回首鬢如銀。
是日偕敦夫雲門兩太史尋歌蕢酒逮夜而歸復用前韻

相攜裙屐遺韶辰，閒向城南步鈿塵。十隊鼓催銀鵲舞，一枝花占碧雞春。
新豐斗酒高歌客，洛下疲驢障面人。猶有風情燒燭看，特教明月逐歸輪。
送敖金甫郎中賈還蜀省覲二首

卅年郎署厭華簪，一紙當歸抵萬金。白髮三朝違世好，君京察三次保舉一等俱未記名

采衣千算樂山林。尊翁年八十餘寂寥冠蓋東門餞，繾綣江湖北闕心。正是聖明

憂國事，高陽徒侶惜分襟。

岷江春水正初生萬樹猩棠壓錦城千首詩篇充宦橐全家畫舫穩歸程
傳經同有商瞿祝守拙差希柱下名曾是薦雄文似者

君妻言余於湘衰
鄉曾文正公

羸執戟不勝情

春夜飲豐樓酒家同嵒盦敦夫弢夫招霞芬

新幟酒人家紅樓四面霞燈光添綺戶欄影出名花密坐香能隔虛櫺月
易斜金尊好顏色相與惜芳華

入城七日歸視寓園花樹示童奴

離家纔七日庭花多半開向人如笑語馴雀亦褻同暫時林下坐好風天
上來殷勤謂童僕莫便埽莓苔

竹簣邀同雲門飲花之寺晚遊白紙坊崇效寺觀智朴青松紅杏卷

二首

選侶城南出微風導遠林綠侵經院窄花隔畫廊深罍水綠鐘轉拳山受
樹陰片時禪楊語應證最初心

夕照輕陰郭迴車訪棗花山門分野色經閣帶林霞香篆穿簾細旛風曳

柳斜摩娑紅杏卷觴詠想王查

卷中漁洋詩四首
初白五古

春盡藤花盛開日坐其下

手種朱藤本垂垂一架餘知余扶植意及爾長成初葉嫩侵甌茗花輕落

几書時聞香掩冉風動綠陰疏

張中允端卿備兵陝安索詩爲別

山南雄鎮古梁州特詔詞臣擁碧油鎖鑰平分秦地半文章高挹漢江流

百函金匱勞增秩以寶錄國史敘
勞加二品銜十隊銀刀靜運籌共道點蒼三戟貴棠

花卿月照征輶

謂令兄侍郎督學
浙張君雲南太和人

偕禪龕雲門心雲坐藤花下作

跂腳藤陰見主賓書牀茗几雜然陳他年定有高人畫一架
襪花壓墊巾
五月七日引見養心殿是日甘雨如注恭紀

名場冊載號龐眉身是宣皇老秀才執戟久陪郎署列揮豪
今見御屏開

驪珠一串承恩舊

是日獨掛數珠

雉尾雙瞻映日回似說宮中歌得雨濟時誰繼

衛公來

紗袍一領是庚戌遊泮宮時所製服之三十年矣引觀被雨題詩志
之

藍紗一領製中單恰稱青衿弟子員千縷每循慈線迹卅齡還惹御鑪烟
芹香襲久痕猶在柳汁彈來色不鮮五十孤兒今釋褐宮袍欲換倍潸然
殿試賜出身後乞翰林院陳情還郎中本班五月九日得旨以原資

敘用感恩述懷二首

丹陛除書下郎曹許卻回速親無薄祿瀾俗便凡才白髮心逾短青雲眼
倦開一官寧自擇朝論恤衰頹

敢薄承明選清華讓少年主恩容避席吾意在歸田魚麥平生夢桑榆夕

照天任他三島地百輩躡飛仙

今年得館選者九十二人

答雲岡見贈之作

蓬山路近又風迴多子新詩鄭重來幸有文章娛晚景倍緣時事惜人材
置身自愛循良傳緘口須防木石災

指正月間疏事

我已陳情君改外暫時相

聚且銜杯

答曉湖聞余得第寄詩勸歸之作三首

本無仙格注蓬瀛廿載郎潛寂寂聲羞以贅文隨後輩何曾虛譽到公卿

蛾眉已老人猶忌雞口能容世亦爭淹倒科名真失笑不圖知己尙關情
故園弟妹念奔馳屢信催歸未有期三世諸親多在殯百年過半尙無兒
微官投劾吾何戀老境侵尋事可知只惜君衰貧亦甚青山虛想耦耕時
霞川舊築已全虛卜隱重翻越絕書春雨花林宜水際夕陽霜葉近山初
首邱終在湖塘地息壤相從壽勝居曉湖所居名壽勝步更約城東老孫綽謂子歲
寒圖畫入樵漁

出榜後十日張子中同年自揚州馳書來賀以余久困名場謂當如
彭南叟王樓邨故事也時余已過殿試所對策頗爲時所傳誦都
下同入亦多援此相待事後追感作詩寄子中二首

虛期佳話繼姜王方丈仙人本渺茫得第漫爲同輩重上車羞逐少年狂
時文貶格猶難遇吾道孤行豈可常自有名山真事業相期歸老課耕桑

一官鹽筴滯揚州手版衙參得自由郭外烟花連畫舫月中歌唱滿紅樓

雅書自守張曹學國計誰居晏估儔

君精六書五曹之學以湖州人爲揚州鹽官故以稚讓曹憲及包幼正爲

比曹揚人也多負故鄉荷芟好道場山映雪溪流

弔王子詒秀才

繼穀并唁其兄子獻有序

子詒吾友杏泉第四子少好學善文辭補紹興府學諸生去年父

病禱於神乞以身代父竟卒今年三月母復病復以身禱母少瘳

遂賣疏自投寧波郡城月湖中死實庚辰四月五日也年二十九

女貞一樹玉無瑕

子詒長嫂孫以夫亡絕粒死

又茁陔蘭瑞應花早有精誠通齧指

詒子

皆以先一年之冬感異夢言二親有厄皆於臘祭日密焚疏乞代

詎同孤憤蹈懷沙奇才夙號張曾子故

里重題剡孝家歸向娥江應感慟救親無及祇投瓜

潛寫從容絕命辭孤行壹意不求知

臨命疏云晨昏侍奉尙有諸昆似續宗祧已延弱息塵世名利固非本懷

身後毀譽在所不計得待嚴親地下亦有餘歡惟願老母
堂前從茲無恙湛湛月湖寸心可鑒神聽不遠哀此愚忱九原自想趨庭

樂兩疏猶傷請代遲竟使阿戎成死孝須憐法護益難爲昌黎已媿非人

類慙說文章是本師

手詒於余詩文
皆手鈔成誦

贈胡匡伯卽送其下第還越二首

結交貴真意取益先知方識君始癸亥散聚亦不常庚午秋賦時我久辭
名場二親已不逮決計爲舍藏君強挽之出深言傾肺腸一舉幸同捷蘭
臭彌相臧我意豈重輕君情胡可忘自是試南省五上公車章我懶輒欲
止君亟促辦裝綢繆定棲止瑣屑籌餼糧入或代負擔出則眠連牀期勉
勝骨肉衰老資扶助我性褊且急出語類木強尤於執友間劇切若不遑
君乃更卑遜事我如兄行金石喻此心相得覺益彰希彼古賢迹用爲吾
道光

今年我登第遲暮良自悲君年少余九又復失意歸科名君自有不須陳
慰辭得失何足較所惜在別離我留非得已君歸殊足怡椿萱尙未老諸
子成長時大者已采芹聚婦萬孫枝其次皆入塾梨栗相娛嬉田墅連郡
縣僮指供奔馳養親富暇日讀書溢餘資靈越好山水春秋尤蔚奇看花
或撰杖入林爭褰衣載酒徧僧寺學釣分漁磯此歸秋風始猶及荷花期
鏡湖數十里扁舟相逶迤轉瞬采菱芡黃菊開滿籬遠近楓柏紅籃輦隨
所之烟霞恣揮霍興到輒賦詩此樂胡可量豈若金門羈願君養以福天
倫葆所希以視槐與棘霄埃非等夷

書家書後示季弟五十韻

一昨得家書覽之頗屢蹙羸賸念予季衰替憫邦族諸妹日貧辛阿宜長
錄錄西郭一塵地漸恐不我穀情竊半閑子屠酤雜囂俗我歸尙無期田

宅本難復感此彌鬱煩寤寐如轉轂姑效溺人笑勉策跛者足聊以寫夙
懷用爲來者告我家本面城有明始考卜其地尤弗良兵燹遂蕩覆顧念
先人遺爲墟實心惡常願宮以牆於此置宗塾半以藝果蔬半以萃教讀
橫河直河間水香舊書屋梅谿弦誦地名氏遞賡續其前有小池通港爲
屈曲先當構影堂環之一泓綠置樓以藏書沿池種修竹南爲天香居南
祖所題目

本生王父居直河在橫河之南故借用趙郡李氏南祖語

盆中桂絕奇其趾僅容轂高出重

檐顧廣布一庭馥屢顧諸孫言此樹世所獨闌檻既幽深几席絕塵黷重
擬建三楹補種幾金粟絳跗閣在東丹臺亦連屬大母持梵誦經簾傍花
蟲下植紅辛夷其香比薝蔔一磬裊篆烟微風戛珠玉仍當遠舊觀懷清
媿高躅先隄既克存人才庶漸育然後營城中以處親五服東西諸房宅
稍返近所歸毋使他姓滋冀輯兄弟陸

余家西郭外太宅三第一房與第五房世守之太高祖母陸年徙居

城中途分建大宅上下兩岸凡七宅而族祖長沙公亦開第五岸今郭外皆為焦士第五房子姓已無幾人常欲盡買其地以直河之宅基礎尙全

通達李氏美善園族子弟橫河兩宅及前一小宅悉種蔬果稍治樓廡爲宴息之所以環書塾而城中下岸七宅今最西一宅歸於新秦子弟徐

姓長事一宅頗華好徐氏亦割賣其半經悉返之以西宅處直河子姓以東宅之半命僧慧賢之此願未知何日遂也

此事幸俱遂

始自謀邁軸湖塘西跨橋山水極麗矚園籬取苟完樓室不厭複以此爲

菟裘繞舍課黍菽再於南岸山大爲首邱築遠瞻漓渚峯近眺項里麓曾祖

考毗鄰瀟渚金敘畢先考妣葬項里錢家山皆去湖塘十里遠近間關壤相陰陽嚮南就高煥三世合諸親

塋位辨昭穆一一具碑志表碣隨所目夾行樹松楸間以楓櫨檉環兆待

弟妹先葬仲與叔余亦結生壙自比王官谷前植桂與梅芳艸帶綠縹其

左置丙舍開門見朝旭千秋與萬歲佳城聚骨肉此願果畢完死休真大

福

輓史寶卿二首

別爾甫經月驚傳到訃音
美材偏不壽造物果何心
猶幸南歸速多應道
喝侵藐焉兩孤幼成長竟誰任

庚午同鄉舉稽陰共九人
論年皆弟畜惟子最情親
退讓行如畏沈潛學

獨真相知言痛絕追理一沾巾

今春君入都時余病甚告以不復應試君
蹶然曰此事誠不足重輕然君不得第則

天下學者心皆不平
每理斯言爲之腹痛

庚辰七月二十四日爲亡仲弟五十生日以雞黍奠之感賦

虛期尊酒對茆堂

見庚午仲弟
四十五生日詩

三載泉塗隔渺茫
雨夜對牀空有約天邊

斷雁不成行東西各半眞
奢願魂魄相依儻異鄉
贏得白頭兄一慟更無

兒女奠椒漿

相見

相見無端別亦奇
碧城風月總迷離
虛聞青鳥傳佳訊
未有瓊華答好辭

燭影忽開金鎖入漏聲偏恨玉窗遲香濃花亞春三刻白了劉郎幾鬢絲
八月朔日偕潘孺初袁爽秋兩戶部鄧鐵香洪右臣陳雲舫三御史
史許仙坪樊雲門兩翰林集天寧寺餞鄧獻之還黃岡
祖帳西郊集餘炎翳寺林憂時須縱酒傷老重分襟室淨香能定山秋翠
漸深閱人隋塔在千載幾登臨

日暮復同至南濠偕仙坪鐵香汎舟用落日放船好爲起語
落日放船好一泓秋可尋渺然如世外清絕見吾心藻影浮空動荷香入
定深艣搖魚躍際都是故鄉音

後一日再偕雲門及敦夫汝翼弢夫集寺之塔射山房餞敦叔

隔日期茲寺長緣餞客來秋陰殊昔望山色向人開遠樹收高榭疏花出
講臺當筵眉黛落相映手中杯

酒散欲同泛釣魚臺下不果歸坐庭樹根看夕陽作

看山意未已欲往泛漣漪人事輒多阻夕陽偏與期歸來坐林下正及晚晴時一角明霞麗多情映柳絲

送王平子樞歸里

廿載荒郊殯南歸始及期妻孥貧益甚烽火幸無知黑海魂多恐青山葬有時尙憑文字力宿諾媿稽遲

此事秦秋伊之力爲多且謀爲之葬與平子實未相識也

病中雲門及朱桂卿同年

福詵見過

臥牀肌體不關身帶孔移來祇隔旬豈有精神辭李廣頗傳恍惚過劉臻時艱曲突焦頭日天幸支離攘臂人宮府正求醫國手橫流何術濟斯民秋陰偕敦夫雲門汎舟釣魚臺下循隄至行宮而回

西便門西池水邨邨中往往多泉源裕陵親敕疏湖道上承玉河環郭門

湖岸周圍二三里中種芙渠雜葳薜烟波遠過積水潭澤物如何十刹海
我來已及秋之中朱華落盡田田空枯茄十萬颭風際偶見一二搖殘紅
湖船六柱就花泊萬疊西山挂篷角惜哉不早三旬來四面香風臥花幄
我生會稽烟水家鏡湖花國古所誇湖盡爲田花在岸絕無畫艣能穿花
回舟更傍御隄去寂寂行宮鎖烟樹紅橋映帶清泉流盡是先皇豫游處
金源遺事莫徘徊伯業名流等作埃卽今瀟碧澄漪地幾見西巡翠輦來

行宮中有瀟
碧軒澄漪亭

三里河道中二首

青林紅秫裏時見野人家一水曲相繞沿隄蕎麥花
羣鳧白於雪湖臥綠莎靜水碧與莎連磯下見鳧影

送羊敦叔比部改官吳中郡丞二首

薊門風雨及中秋仙眷輕裝下桂舟捧檄自欣迎養便改官終較左遷優
曹司十載同囊處仕宦三吳亦錦游誰道蓴鱸歸意決近來江海欲橫流
文字論交近十年帝城花月每招延才華合爲中朝惜離別重添暮景憐
秋色津沽開海嶼遠山松桂人吳天五湖何日相追逐眉黛清娛畫裏船
有感

一聞雷翥走艤幢屢誤甘泉報舉烽幾輩闕前誇鷺擊有人橋上戲龍鐘
狴牢已見歸良嗣狗國何曾敬郭鋒一檄指揮諸將讐不堪此手祇攜筇
次日用前韻寄竹簣雲門

赫蹏海上迅追鋒瞬息戎機達九重東去鐵營連黑水西來玉節入甘松
輸情詎有中行說約誓長依贊普鍾與子且爲山澤侶短衣射虎一相從
九月初三夜集飲韓家潭朱霞精舍以露似珍珠月似弓爲韻余得

露字

晚秋煦餘暘嘉辰惜遙暮微行遵城南朱樓臨近路清池不可見屢寫自
來去孤悰暫爲歡卽眷儵成故華月呈纖鈎娟娟隔疏樹芳筵啓軒幃銀
燭映階露衣薰扇際分鬢影尊前度素心偶合并紅顏豈長駐留連壺箭
添惆悵雞聲曙

又代人作得似字

煜煜桂樹華粲粲菊叢蘂桂生詎云潔菊開亦易委所託雲露滋承藉始
爲美自惟蓮質輕蓬心本無似日夕望碧雲開徑遲玉趾幸陪言笑歡良
宵繼清晷珍果自求甘芳醕自慙旨初月鑒薄幃清風落橫几願爲筵上
燭明心奉君子不作衣上香因風辭玉體

庚辰重九作

年年衰病罷登高
酹相呼就菊
盤木葉西驅
安息馬霜花北淬
赫連刀

時伊寧將軍金順貢馬疏至伊犁古烏孫國地西與大宛安息鄰湖南提督鮑超榮勇抵天津著裝

生無濟勝摩雙足老值

時艱感二毛秉燭且爲長夜飲不須酒伴覓詩豪

書北周書宇文護傳後十四韻

閒尋薩保周書傳
悽絕閹姬寄子辭
隔未九泉終可見
貴窮五等欲何施
三年備極人間養
八袞重看膝下兒
雨露十州傳肆赦
貂蟬百辟祝期頤
至尊下講家人禮
母后頻修叔姒儀
未見東朝謀玉珽
已營高冢隱金椎
追惟轉側他鄉苦
幸保從容晚節慈
差免掃墳嚴媼歎
不同乞命董親癡
論功詎可姬文匹
逼主常遭子孟疑
自惜負芒由寡學
竟令煮餅取殲夷
千秋留得斯文在
三復能生孝子思
須識皋魚披褐日
莫如溫嶠絕裾時
倚闔無望嗟何及
列鼎雖豐事益悲
爲語南朝顧歡輩
不應偏廢蓼莪詩

十月十五夜步月籬下作

初冬茲夕望氣煖秋中
皓月耀澄魄玉照無纖塵
嘯侶絕芳躅瑤裒孤
莫因幸有一弓地俯仰寬如春
疏楊綴餘葉瘦竹浮寒筠
清影在庭下因風動微淪
階露久侵轂籬枝時礙巾
寥賞誤能遠靜取景彌真
不知冰霜迫惟覺天地親
當其獨往時蕭然山水鄰
彈琴無與會松桂思遙人

十月十六夜偕敦夫對飲朱霞精舍看月

今夕亦復佳心賞隨目涉
清輝固不減瑤襟互成愜
銀燭啓蘭幌紅窗掩
瓊葉激灩金尊開池邈
晶屏疊瓶花映鏡重鑪薰
展袖裊靜數銀壺箭暗
聽繡廊屨茶香遞密語
酒霞泛紅靨綺懷豈取盈
歡悰暫爲接歸逢人早
朝籠燈指遙堞

十月十八夜招鄧鐵香許竹簣及敦夫雲門飲寓齋送朱桂卿庶常

補沈子培比部曾補兩同年還秀州

久客傷歲暮，鼎宮思冬閒。言遲素心侶，共此尊俎間。
南窗納晴日，殘菊橫酒船。翠袖互捧觴，紅燼近當筵。
清談未知倦，素月生檐前。坐中朱與沈，得第歸故山。
衆散亦偶爾，衰老彌可憐。廿年不得調，一第窮依然。
湖鏡待霜曉，巖花候冬妍。猿鶴怨亦久，白頭未知還。
安得一畝地，結屋依流泉。相招就菰韭，曝背終餘年。

詠史二首

捧日黃雲宴慶成，無端一疏落華纓。差同兒女曠臨汝，
羞見獼猴舞列卿。故紙囊籩猶有獄，鐵檠橫膝太無名。
烏獸吹笛偏同坐，舉酒吳宮想顧生。驅劉五柞設和門，
神策山來七校尊。虛說霍光搜挾刃，竟聞胡建劾穿垣。
南軍日造黃龍鑑，東府親持白虎旂。講武驪山原故事，
銀刀組甲久承恩。

同鄉陳畫卿觀察

錦

自濟南寄書告其子諸生昌沂夫婦之喪以所

作烏啼曲見咏并和余感遇詩六絕句酬以長句二首唁窮慰老

情見乎辭

驥子才名正軼塵忽聞中道喪嘉賓麻衣化蝶隨佳婦

昌

沂婦姚以

繡服

垂魚對老親

畫卿

太夫人年九十尚在堂

作宦難求千樹稅著書還惜百年身最憐羸

博哀號後手疊詩筒寄故人

成佛生天等是遲名場桑海不堪思

來書

言道光中同郡之士角逐今存者惟君與余兩人

已無

朝士貞元輩幾見文章正始時投杖西河新止淚看花東野尙稱詩風流

依樣陳驚坐同爲龍鍾一撚髭

湖

北羅田人陳雲舫員外與君

同姓名亦賦余得第詩爲贈

陳雲舫員外

錦

賦二詩見贈奉酬一首

雲舫

寓南下窪之東一古寺中

覓句陳無已禪關出每稀貌如僧入定官與世多違佛火分綈案龕花點

縑衣難忘三島事欲挽李靈飛

君以癸亥翰林改官刑部來詩以
余今年不得館選爲惜故戲及之

越縵堂詩續集第六卷

南通馮

雄翰飛校

越縵堂詩續集第七卷

清會稽李慈銘愛伯譔

姚安由雲龍夔舉編

許竹筠以侍講賜二品服爲奉使日本大臣索詩爲別作長歌一章

送之

聖清懷遠頓八紘大瀛海內皆王程皇華之選極侍從特賜金紫銜東征
日本名見自唐始隋稱日出處天子夜郎笑漢夷俗然墨屎誇讖匪所恥
我聞倭北接馬韓蠻觸百餘山島間通譯漢魏三十國至今滅沒同飛烟
吾妻鏡事略可錄天王系院代相續文物差欲躋新羅衣冠漸亦效華俗
狡爲邊患始有明鯨魚跋浪吳會驚朝鮮濟師幸告捷舟山乞援終無成
方今外憂日孔棘犄角大秦連漠北東眈西睽相翕張呿呿鯨龍視弱食
中山歡斯千葉王一朝驅縛如老羊鐵艘出沒鼃鼃嶼蜃涎錫錫擬菟浪

冲聖垂衣未親吏兩宮宵旰軫邊事中樞持重疆臣媮緩急弛張屬之使
君在翰林稱敢言搏桑指畫几案前龍節拜奉璽書出東風吹旆爭花先
津沽春水竹箭迅妙簡賓游盡才俊古云隔海萬二千破浪颺輪抵一瞬
對馬隱隱神山開卷帆直過邪摩臺男冠四花女屈紛鼓角齊迓天人來
自來折衝在尊俎松塵一揮落芒距從容餘事及藝文先唐佚書尙堪補
送君驂驪雪尙飛薊門柳色未侵衣三年會看鯢人貢百輩朝衡隨弭歸
三月十五夜月下看李花作

王母迓瑤島侍女驂素鸞猶留一輪月下照人間寒九春此終望皎臨天
宇寬清輝極淑景徧覆千花妍中庭一株李瓊英燿簾前皎潔互映發風
露交銀瀾芳華凝良夜拂拭當盛年濯以圓靈鏡矜彼婉孌顏恍移玉樹
至壁帶琉璃懸方今識白柰縞族羣仙曩長樂耿孤照元霜失還丹逝景

不可駐星斗漸已闌惆悵階下雪何厭終宵看

三月十七日雨後嫩晴柳絲舒翠迎春競花丁香亦有新綠掩映夕陽中非畫所能到也以二十八字寫之

不須風露倩邊鸞金碧春深咫尺間記取小窗寒幔際夕陽一角李家山霞芬饋木香花

細翦冰靡屑罨胎雙含風露落瓊瑰分明洗硯勻牋側長見籠香翠袖來夕陽時看半開海棠傍晚看李花欲落各媵以一絕

豔倚斜陽不自持殢人紅萼最相思漢宮恒滿燈千樹曾照陳嬌未嫁時縞衣獨立更傷神日暮能傳倩影真幽恨臨風如欲絕楚宮萍泊息夫人暮春偕鏡予至極樂寺看海棠是日霞芬攜其婦治具於此賦詩二

首

鈿車相約鳳城西千樹猩棠映玉溪塔影遠從田水落山光不礙寺牆低
似聞曲徑通鶯語早有游蜂趁馬蹄花雨一鐘齋杵動午香吹到碧玻璃
花外行廚花裏人低枝時見罌紅巾落英豔點弓鞞窄纖朵嬌侵鈿額新
池上衣香經月醉酒邊鬢影一家春多情不奈東風劣長爲羅袞碾麴塵
雨後晚霞看桃花

積旱望雨殷花時憂雨至三日雨得晴未損晚桃麗西見紅霞明遠落小
窗外窗外一樹桃恰接晚天綺隔以垂柳陰新綠出紅際甘雨雖滿缶瓶
粟不我繼保此晚晴花欣然自天地

後二日夕陽中看桃花半落

時雨旣得晴裴回數花樹晚桃開亦久紅芳夏猶駐漸見落英飛時與游
蜂遇緩步惜蒼苔曳杖延日暮夕陽在花半一角屋山露淡淡茶烟縈微

微柳風度睠此傾城姝無言墜輕素豔絕不可留長記經行處

立夏前一日紫藤花盛開輕陰微雨坐花下作

十年賃此舍隙地皆種花辛勤幾心力償以三春華花樹幸長成白髮彌
自嗟西軒一朱藤拂拭尤倍加垂蔭幾盈畝夭矯爭龍蛇縛架出檐外歲
隳天半霞纍纍萬紫瓊因風被瓔珞吹香及初夏擢鮮殿春葩輕陰照橫
几碎英點烹茶扶持紫雲立不隨柳枝斜清絕日宴坐林幄如山家何當
圍朱闌映以碧窗紗

花側一小舍久廢不居今夏擬稍修葺之設矮閣小窗几榻爲結夏之地

立夏日澹晴間陰竟晝坐藤花下

茲辰入晴夏清利不改昔絲花暮曦景細葉鏤烟隙及此盛時花安我暇
時席粉沾衣袂香綠映壺甌碧睠彼清風來微覺晴暉隔梅街相公家

梁文

莊公第在楊梅竹斜街清勤堂前有藤花甚盛乾隆後爲旅舍花今尙在

波寺詩老宅

朱竹垞寓海波寺街有古藤一時題詠甚多

右事皆吾浙文獻至吳興戴龍塘太常藤陰雜記言宣武門街
咸以斯花名

觴詠萃裘屐勝事豈有常傳舍屢遷易此坊盛文獻王翁最耆碩王漁洋邵青門

施愚山陸冰修梁仲泉翁覃谿皆嘗寓保安寺街王寓
佳植偶見遺風流

遂漸斃我今此宴譽聊寄一朝適無石堪橫琴無僮可共奕擁書獨危坐

時聞菱墜幘猶恐風雨至彌覺芳陰惜晚晏斜陽明槃娑碧雲夕不聞鳥

雀喧那有客行迹

欹枕

紗窗小拓翠深深一院無人盡綠陰欹枕不聞朝事到勝他巢許臥山林

漫興三首

漫與心情嬾自醫不能絲竹不知基點朱數紙日平過午手引垂楊弄雪

狸

老來病濕怕黃梅堆案經書蠟更開猶有榴花娛倦眼數枝紅過短籬來
車聲牆外走琅琅涉淖衝泥有底忙櫪穢莫忘公等力三朝高臥作貲郎

哭王眉叔

老來朋舊盡凋殘又報王喬下玉棺銜恤惟君勤問訊讀書無日免飢寒

清才鄉里誰今繼白首名場較我難

君少予一歲嘗自言五
十當得鄉舉而竟不驗

有女傳詩兒

識字此心泉下定差安

六月初一夜飲花下作

冰幙文簾自生涼小啓銅鋪作醉鄉恰避明窗來素月倍憐密坐勝紅妝
扇低酒併衣薰發燭轉花添鬢影長爲話唐宮今夕事玉環一曲荔枝香

後三夕再飲花下遇雨遂至曉卽事十韻

朏月遲呈輝曩襟喜暫聚迨晝苦鬱攸卜夕選尊俎幽坊引犢轅華鐙展

綺戶睡燕識屨聲畫屏故延佇隱隱花上星晶簾照人語玉映蕉衫鮮霞
張錦罽黼黻藉河朔飲旖旎濯枝雨冰肌沁釘梨明眸溢斟醕靜添銀漏
水已動曙街鼓貽我紅梔花懷香入風塵

小暑聞蟬

玉衡指在未城居始聞蟬賃此半畝地綠陰亦便娟翩然不我棄冠綬來
周旋肯惜數聲囀爲我清心顏徑蕪絕車馬家貧無管絃午風作幽弄頓
覺煩熱蠲祇恐輕翼駛頃刻鄰喬遷須知此中樹所灌皆清泉下有曳杖
翁自闢山林天盍來伴嘯詠月照虛堂眠

六月十五日酷暑中思故鄉村居用朱子是日詣水公菴雨作詩韻
病夫苦煩暑陋室厭朱明爲念江南邨樹樹涼蟬鳴扁舟一出郭便覺湖
風生山翠疑雨潑田水如泉傾臨流數柴扉倒影有餘清繞籬桑竹靜連

棚瓜豆榮日午飯牛畢偃臥無它營安得一頃地解官事歸耕

夢孫子九

老去孫陽臥草萊齋鹽白髮苦相催忘年交舊惟君在久別音容有夢來
門巷平生猶髣髴湖山夜色幾徘徊何時里社同扶杖百歲相看兩秀才
觀蓮節侵曉至十刹海看荷花入地安門書所見

晨赴尙書期遂沿北湖去冉冉紅蕖香濯沐帶清露花間數畦稻新翠如
欲雨荷蓋相倚移花光不能住長隄輾芳塵夾岸蔭高樹朱扉猶半掩略
約無人渡誰何繡轡車斑駁臨大路高鬟曳輕容明眸爲花妒漸見朝旭
升驚起傍沙鷺循湖入苑牆遙指五雲處朱輪早朝歸無心與之遇

七月十三日立秋雨中出西便門失道徧行玉河鄉野田中循土山
出至釣魚臺湖邊看荷花欲登舟以積水不果小憩行宮外垣遂

至天甯寺三首

昨夜梧葉動曉起策輕騎言經鳳城西密雨兼秋至斜行入畦間青蔥但
一氣高梁如人立麋黍亦垂穗時時見人家葦籬出深翠暫或煙雲開西
山露偏髻不因岐路迷安知塵外事得賞非素期涉趣由靜致隔隴聞鐘
聲緣之叩僧寺

迂行七八里陂陀見土山昔當乾隆盛大疏玉河泉積之爲自昌歲久成
林巒嶂開全湖見匳帑羨與蓮朱華裊雨肥綠蓋迎風鮮閒露白菡萏亭
亭含孤妍湖光合山色上下一碧連時見白鷺飛點破蒼波煙惜無吳娃
手蕩此六柱船紅蓑爲我醉醉卽花中眠

離宮俯河邊牆雉相次望中容數晦地略具堂與室喬樹欹綠陰危磴學
崇密葦欲清池平蘚隨板橋接碧蓼映微流猶能照丹漆園丁爲我言穆

皇昔駐蹕簾懸尙望幸鑪香已久闕裴回翠華影日午啼鳥宋出門向東
行沿隄繡明瑟林霏汎炊煙下有人行迹一塔銜馬前童童出雲碧遙颭
松際旛招我人香積

天甯寺殿廡西偏一室極淨窗開山滿甚愛之用韋左司行寬禪師
院詩韻題壁

花陰轉深廊西窗俯叢竹几席皆山光清輝媚幽獨靜聞林外香安得經
時宿

謝鄭盦尙書惠龍井茶用山谷謝李右丞送碾賜壑源揀茶詩韻

天目呼龍種蒼壁瑤艸滿山獨能識盡吸黛綠含泉光文君遠蛾秀可食
十年羈紲黃塵間漱嘗苦井誠愁顏密雲夢不到官局粗梗濃薰出隔宿
頗如濁螳浮紅醅亦疑蠟膏泛樺燭公今文饒善別水我媿季疵略涇渭

每聞鬪鏑頭綱來親封綠囊持送似越甌翠色剪新湯攢驅睡魔疏菜腸
松谿竹樹髣在面化成碧唾猶生香伐性除煩兩何有有毀我者飲以酒

得子縝辰永道中書并辰州雜詩卻寄

行盡瀘谿潯水間高秋旌旆照江關漢家銅柱窮三楚

此五代馬氏所立

使者瓊

琚振百蠻花桶肯輸鈴下贅蘆笙迎吹馬頭山白羊妙絕觀刀曲

君有永順營中

觀苗王刀慶清朝詞極工早繡弓衣付犵鬻

閨秋飲集嵩雲艸堂池北精舍河南士大夫新築宴賞處也

勝地招邀萃羽觴麗樓闌檻帶虛堂清池水影先浮磴高柳秋聲欲滿廊
雲物略存嵩少意鐘魚猶接梵龕香雙藤宰相風流歇尚有寒松翠過牆

堂本接待寺地對門爲松筠菴康熙中高念東侍郎寓此菴漏益都相國過之高賦詩有戶倚雙藤梵宇閑無人知是相公來之句

閏七月二十五日早起秋晴口占兩絕句

北牖晚桃含宿露南簷高柳見朝陽
瓜藤豆蔓更番絕猶有風情到海棠
一叢瘦竹筍猶茁幾樹晚榴花尙新
更向僧寮買山桂鄰人不道此官貧

晚霞

手弄垂楊線回頭見晚霞殷勤如
有意紅不到鄰家

寄趙桐孫同年以郡守攝易州牧

喜聞旌旆出燕山倒馬飛狐按部還
太守下行唐刺史神京西扼宋金關

六陵佳氣趨朝側

秦陵秦東陵昌西陵
墓陵墓東陵皆在州境

兩易清流判牘聞自古隗臺

憑弔地可憐千載夕陽閒

寄程雨亭攝守楊州

繇盛淮南第一城擁麾五馬是專征
鬻鹽利害空殫策爲政風流豈在名
翠柳萬行圍燕坐紅樓十里入秋晴
須知吏靜閭閻樂只聽吹簫月夜聲

寄朱肯夫學士入蜀按試建昌道諸州郡

近臣持節出蓬萊又見瀟湘鐵網開五月槐花臨首驛雙江竹箭導離桴
山連越雋銅關壯地入天彭玉壘迴定爲朝廷求宰相莫因作賦薦雄才
寄敦叔吳門時以試承都知巡街

判襪金門一載餘又催歸信到蓴鱸潛郎白髮長三署試吏丹旌近五湖

燈燭籠街牙隊出笙歌罷月畫船孤

時虎阜山塘
錄船久禁

料知聽事亭鷗暇鬢影

山光足自娛

君以侍
姬自隨

雜占四絕句

朝來桂樹華瓦盆賓几閣不知會稽山紛紛幾開落
經年不入署吏告陪郊壇爲問東師大何處借朝冠
北地多佳果柰梨秋畢登如何夜來夢只食鏡湖菱

晚從西鄰歸米盡炊還待笑看秋樹顛尙有斜陽在

門前看晚霞至保安寺與友人遇裴回而散

向晚人迹絕閒庭遲暝意忽見鄰樹間紅霞一何綺出門相追尋行吟入
蕭寺漸覺庭院明山色亦來至茲景本偶值心閒應以會旋與素心遇各
道山居事澄鮮秋水上相映彌成麗不見莫禽還竚立鐘聲際

雜興三絕句

幾日樵蘇漸斷青炊烟長覺晚來停西風大欲將人事落葉蕭蕭夜滿庭
郎吏追鋒日騁車自慚朝謁十年疏三間老屋風簾下金粟堆頭照點書
柳外寒蟬早罷鳴豆籬悉蛩有誰賡獨憐絡緯瓜藤裏猶占斜陽一兩聲
酬王益吾祭酒見贈之作竝問其太夫人起居

內翰春風領誦弦辟雍清秩拜餐錢西京獨擅三劉業東觀新裁十帝篇

君誤漢書補注又編國初天命以來十朝續東華錄俱已成案東觀漢記編自明帝時至靈帝凡三續計光武至桓帝凡十帝焉

市過槐

花猶夏課秋高萱樹自長年應知師氏循陔樂多少何蕃乞養旋

益吾祭酒和詩見酬述其比年昆季子姪零落之感太夫人望孫之

切情詞肫摯殆不自勝再賦詩二首冀廣其意兼道所懷

琳琅入手白華詞采服春暉六學師將見黃麻宣錦誥新栽紅荔茁瓊枝

君新納一姬

天倫自古誰無缺色養如君樂可知爲語皋魚銜索苦一生集蓼

不堪思

卅歲喬傾仰母賢讀書踔厲氣無前詎知髮白登科日已過星終泣血年

顏駟三朝仍不調商瞿一卷望誰傳所期投老茆堂下長倚青山好墓田

辛巳重九日偕敦夫汝翼兩編修游城南諸寺登龍樹寺看山樓晚

飲酒家歸

芒屨莫負菊畦香踏徧城南選佛場白肖蘆花通野徑紅隨楓樹倚斜陽
登樓自盡雲山美過雁遙知驛路長客裏猶憐陳鮑睦相邀一醉是他鄉
九月十三夜飲霞芬家賞菊是日煖甚月如春晝

爲典朝衣漉葛巾未霜天氣撰蕭辰深秋明月溫於酒綺閣黃花豔似人
小隔晶屏尤入畫儻橫蟬鬢倍宜春江湖十載差無負更放華鐙照錦茵
辛巳十二月三日赴署過京察歸書感

游戲紅塵又一回昆明難認劫前灰并無長柄胡盧問常見春風燕麥開
夾筆空誇雙足力溯河誰記一錢才自慚蕭育眞男子下下虛經九考來
前夕夢歸越中負郭有山蒼翠矗立屋隨山爲高下其外大湖煙水
萬頃遠見青山如髮醒而記之

繞郭湖光萬頃煙樓臺都似鏡中懸分明一髮青山外着我孤舟暮雨邊

鄉人楊雲堯布衣

作霖

自吳門致書道懷卻寄兼謝其佳茶筆墨之

餽

山條水葉罷耕耘塵外蕭然愛古薰冰雪自聯詩眷屬

雲乘爲沈曉湖妹婿

風泉閒

助佛聲聞

雲乘

埋名橋下皋通廡託興城頭鄧尉雲清絕點茶研墨事每

拈斑管輒思君

送張孝達閣學巡撫山西

主恩持節蒞嚴關暫輟承明鳳閣班春動旌旗恆嶽驛花迎鼓角晉祠山
北都雄鎮青天上內翰清名白水間榮遇儒臣推第一待看經術起時艱
十二月十二夜月皎甚偕敦夫近步歸保安寺街二首

歸踏滿街月閒門星斗斜犬聲聞隔巷樹影似山家地僻猶餘雪霜嚴早
噤鴉漸聽更柝緊始覺住京華

王邵論詩地

邵子湘潭青門旅稿自序言已未歲寓保安寺街與阮亭先生隔僅一牆

風流已渺然履綦思薜

迹門卷幾茶烟郎署清吟暇

阮亭先生隔僅一牆

康熙極盛年料如今夜月梧影

落華箋

越縵堂詩續集

卷七

廿四

越縵堂詩續集第七卷

南通馮

雄翰飛校

越縵堂詩續集第八卷

清會稽李慈銘愛伯譔

姚安由雲龍夔舉編

正月二日覽鏡見顙須添白十餘莖感賦

老來覽鏡輒經月忽覺吳鹽新滿竈獨爲冰霜先變色須知天地本無私
人生見此猶爲幸世事方殷惜我衰何物春風偏不到祇應爾與鬢邊絲

後雞鳴歌

有序

咸豐辛酉之冬曾作鷄鳴歌悲時在位見幾之不早也今復爲是
歌故題曰後時光緒壬午春正月也

君不見眉州相公最恭慎密緘自署臣安進異代同姓誰最賢涎想堂餐
撲堂印廿年尹京鑄橫去財馴長六官斟斗魁耐彈差不及劉吉蹴躡道
上瞻三台又不見深源虛負俗流譽生意婆娑比枯樹盲人瞎馬夜半行

咄咄經年不能去時過那有風雲來尙戀蜀豆羣驚駘畢生已媿太倉鼠
鐘鳴漏盡胡爲哉黃頴少年氣何盛對仗彈文讀之竟采藿虛驚猛虎來
掃箨奚煩疾風勁嗚呼七十致仕偁懸車進退以禮綽有餘朝廷大臣養
廉恥奚待新進來毆除罷官屢問蒙正泣誰似敏中偁耐職悠悠坐令時
主輕伏牀熨衣亦何及膈膈膊膊將五更何不高臥聽雞鳴

吁嗟行

吁嗟高昌巧言高安佞千里之草風不競誰何健者出里儒寒氈雪映甘
棠湖讀書所得媚世術母乃姓名羞江都國運中艱餉需急百萬轉軍竭
膏血誰知仰屋廿載餘自爲司農作金穴和戎大邸開海西侏離上坐斑
闐衣王公咕囁獨迎笑俛眉進酌金留犁赫赫潮溝董世子織襖打稽五
都市爰書數尺名捕亡日入西曹夜北里忽聞告密緹囊投魯公罪狀出

蔡攸都坐瞞眙卻不理眼看鄰上生戈矛可憐瓜葛尙如此龍鍾夜行不知止七八十翁何所求爲汝檣杪作馬牛詔書先奪貉隸職繼罷文昌聽嚴劾徒令年少相誇張書生大破銅山賊

席姬生日戲作俳體示之

汝生在癸亥我已爲貲郎及今二十稔額外猶潛藏自汝入我門積歲亦閱五兩次徵夢蘭所任皆不舉我日在西崦汝年方嫁時我謝孔明德汝擅黃家姿勉循游房日庶幾上宴辭今年歲在壬仲春日初九爲汝設輓辰門垂嫩黃柳灼灼山桃花來映玉缸酒陳吳及朱鮑交契四翰林嶺南鄧御史我亦僑同心今日適俱來同喫玉塵飯或者充闔喜以此慰如願中婦倍汝年其生端四日明年季秋中大婦開七秩待汝歲周甲女君百歲齊我亦九十四齡背看雞皮

攝疴十餘日不出矣連日輕陰花朝前有小雨賦詩簡同志

愛閒耽微疾塵市常閉門瑤琴久不理素書亦偶溫賃人一晦宮朝夕視
花樹山桃開已殘絲柳長堪度朝見李藥白夕看杏萼紅輕陰兩番雨已
過花朝風故山不能歸春事倏已老白髮惜流光常恐花開早何時值尊
酒曳杖撰嘉辰婆婆好花下怡然天地春

折庭中花致敦夫媵以一絕

一枝金雀一枝桃更有丁香紫上梢客思春陰無遣處送君聊與度花朝

傷貓

雪獮愛參五年餘桃簡呼名伴索居

貓耳有旋斑如小桃因以名之戲用佛經雀司徒事

夜臥莞筵

時警鼠日馴几案亦窺書可憐垂死猶依主尙冀重來喚飼魚荷鍤便埋
庭竹下明年長筍傍階除

仲春二十九日偕鄧鐵香嚴鹿谿袁爽秋看花至慈仁寺觀近人所
撫九蓮菩薩畫像晚入長椿寺觀明孝純劉太后續象爲長歌紀
之

長安二月多好花鳳城日日走鈿車疲羸亦結下澤隊尋春輒入空王家
城西多結勝朝寺半出慈甯內宮賜鐘簾分鐫阿監名經函細鑿畏吾字
慈仁敕住周吉祥茂陵布金爲渭陽修羅內出百軸畫毘盧高閣凌風翔
至今金碧盡銷蝕補種雙松亦無色猶有隙地供栽花廟市不開作香國
禪房小炷旃檀烟低眉繪象天人妍不跨慈壽九頭鳳魚籃來結楊枝緣
阜成門外八里莊慈壽寺有九蓮菩薩畫像同治丁卯友人洪澗董雲舫
詞樵兄弟訪得重裝別撫一幅付慈仁寺身被纓絡賜紅蓮花然諸書皆
言慈壽寺有漆像菩薩跨九首金鳳傳是孝定李太后夢中所見菩薩授
經者未嘗言有畫像亦不即指跨鳳爲李后也慈仁寺有窯變觀音亦李
后所敕奉夕陽漸上娑羅樹驅車更踏槐街路長椿佛榜猶艷霞慈聖當年賜

衣處水齋不作齋庫空滲金寶塔鈴語風青蓮九朶亦塵化猶有一軸囊

緘紅萬佛袈裟紅錦紐傳是思陵孝純后此用僖公成風文例智上已無菩薩題毘

盧猶認辟支首當年私祭娘娘墳遺恨千秋堯母門差勝沈瀟空遣使遠

慚韋后見僂尊遺像淒涼求不得畫裏春暉渺難卽月額頻煩指懿妃金

容彷彿傳瀛國可憐麾仗列千官迎導旛幢跪問安不見珠衣御長樂并

無翬翟納金棺至尊哀慟撫靈御六宮雨泣陳尊楸入夢猶言解菜來隊

泉終見牽裾去弔古蒼茫起莫烟丹青俗語定虛傳武清新樂各家世莫

使文殊誤普賢

長椿寺藏有戴毗盧帽紅錦袈裟女像一軸是莊烈帝母孝純劉太后朱竹垞吳穀人言之甚詳其九朶青蓮花捧

一牌書九蓮菩薩者御定日下舊聞考已云不存今劉后像是乾隆中蔣士銓王顯曾嘉慶初查有圻所重標皆有籤識而朱吳所云智上菩薩及

崇禎庚辰恭繪字俱無之寺僧遂誤指爲九蓮菩薩像蔣氏忠雅堂詩集藏龍塘藤陰雜記皆因無之道光末有題籤者直云孝定李太后又別撫一

軸縣方丈室無不稱曰九蓮矣故詳辨之

壬午都下清明絕句

叢祠南陌綵旛斜上塚人來駐鈿車女伴指言春已晚貨郎擔上碧桃花
壬午三月三日偕周荇農閣學徐壽蘅侍郎王益吾祭酒陳汝翼朱
鼎甫兩編修禊飲崇效寺題拙公青松紅杏圖卷後六首

清游重憶十年前破寺楸花四月天今日新修木蘭院僧貧猶乞畫叉錢
祭酒時名賈馬儔翰林才調盡風流彥倫孝穆皆耆舊我亦看花過白頭
芍藥新栽替牡丹棗花無復詠攢攢休教更話金源事塵畫明昌問聖安
寺東北半里許爲聖安寺
舊有金章宗李元妃像

元碣都無況李唐猶傳白紙舊時坊闌黎興廢關何事今日今年作禊堂
餘星伯云永樂大典引析津志言寺爲唐幽州節度使劉濟捨宅所建而
日下舊聞諸書俱不載僅言元至正時賜額崇效亦不言其始何名今寺
中惟有明碑二言寺淑於貞觀時蓋誤也元明時白紙坊最大
北至善果寺西至天甯寺皆其地今惟此處稱白紙坊而已

巾拂難招雪塢師朱王風調更誰知曇花聖壽俱塵劫祇有斜陽似昔時

曇花聖壽皆寺名在崇效寺
旁近乾隆中尙存今迷其處

故鄉鏡水若耶邊多少湔褰士女船可識柳湖車馬影暮衝歸鳥出林烟

聖安寺地名東柳湖邵宋漫堂有宿柳湖僧舍詩卽指聖安寺也蓋昔時
此地皆多水故以湖名苻老言二十餘年前到此尙有一水通小橋今橋

已圯其斷
石猶存

修禊次日苻老以六金屬轉界寺僧裝圖卷日落時復過寺再書二

絕句圖尾

好事盧山周續之賣文乞與畫圖資耳鳴卻笑李居士來趁鐘聲補寫詩

纔過穀雨日初長特出南西訪海棠爲愛嚴維誦詩句再來此地看斜陽

是日有揚州人嚴六谿過訪言今晨入寺見圖卷中余昨題詩有祇有斜
陽似昔時七字諷誦不已因約至花之寺看海棠遂於晡後出右安門獨

游而反右安門
俗呼南西門

修禊次日夕陽時出郭獨游花之寺日落復至崇效寺用荇農閣學

訪崇效寺詩韻

雨後沙塵似水平暮春初試袷衣輕人從新綠來穿樹馬帶斜陽又出城
花裏茶烟知客到林邊邨落覺山清閒官似此真忙甚日向僧寮挈榼行

爲周荇老題東坡爲羅浮鄧道士守安臨文與可墨竹真蹟

長公所畫竹鬱如蒼松姿粗榦雜大葉閒亦橫小枝飽喫黎峒飯追寫還

朝詩

畫於元符元年時在儋州畫後又書元豐十年
遲朝時爲道士王執中題文與可墨竹詩一首

守安爾何人得此大

法施平琅玕十餘丈永爲雲笈資羅浮本仙宅光怪照海湄瑤花與琪草

匿采不敢奇至今八百年神物常護持湘中老承旨文采動四夷退食偶

有獲珍若餐瓊糜私幸此得所子孫永寶之我慨今之士儕輩恥相師又

或擅微藝矜祕呈須眉名位稍貴重下士無由窺公乃臨老可又肯道士

貽吐舌出三疊斯語非吾欺對此發三歎今人安可爲

三月十五潘紱庭丈招同嚴六谿法源寺看牡丹絕句六首

看到藤花興已闌羸驂嬾復逐長安忽然一紙消搖箋約向禪房餞牡丹
傑閣丁香四照中綠陰千丈擁琳宮別開曲徑藏春塢煖約雕闌一面風
錫杖經壇振法儀珠旛高傍梵輪飛誰鑪香到雲窗外千色花光上緋衣

土僧方開
壇傳戒

隨意迴廊曳杖行經樓百尺俯花晴朱闌縹緲諸天上鐘鼓都疑下界聲
鷓鴣鐘魚散午齋幢幢花影靜香臺十年不赴朝參客有底忙時飯後來

余到寺時
已過午齋

薛荔牆環一徑深漸聽鈴語入風林苔階宋歷斜陽下閒向山門看竹陰

題舊畫北齊校書圖

有序

圖見山谷題跋傳出唐閻立本南宋割去其半有范石湖陸放翁跋韓南澗題詩今藏長沙周閣學壽昌家

揮豪挾策坐滿堂或啖酒果據胡牀奚奴立馬待廡下高鬟紅袖侍兩行
鮮卑鄴下何天子殺歷不飛九龍死起本盜賊終滅亡何取羶腥列青史
大犧人螭所不如獨親儒雅知重書先啓祕府校墜籍終開文林羅羣儒
孝謙建議擢遺闕一十一人各勤職入室應招許散愁負笈還尋馬敬德
青綾御食漢臺臣女史親添五夜香滿袖花釵傳請客隔窗宮燭照披裳
唐宋相沿解故事馬子三臺亦堪記人盤曾黜邪蒿名作識悲聞正道字
嗚呼文宣甚暴何諡文講經就傳彌勤勤濟南實得漢家質惜哉不得長
爲君宋人事金謂金父紙上前朝慨呼虜圖後范曄請公穢史虛標勃海
宗當時自習鮮卑語藁燃燭破徒恩恩應封郡君狗儀同獨仗一事重儒

力得與周魏併齊蹤絹素流傳特健藥對榻俄空半已割

山谷跋有對榻
七人石湖跋言

已逸去
其半

長幅猶題南澗詩真蹟難求涪叟跋爭言粉本闕文貞右相丹青

聊戲評人生擇術自當慎伏池舐筆良可輕

文信國空坑敗後致人書真蹟爲荇農閣學題

有序

書所言凡九事其首已殘闕舊楮淡墨作行草書乾隆中爲鮑氏
知不足齋所藏後入內府有嘉慶御賞及石渠寶笈寶笈三編諸

印今在長沙周氏

嗚呼信國不可作文章在世猶日星此卷淡墨數行字真氣蟠作蛟螭形
空坑一敗不復振展轉江嶠驅轡汀猶圖再引五更譏區畫兵事重丁寧
國有塊肉寄海上家已卵覆悲伶仃柳娘環娘盡嬌穉艸間百死求嫫媿
其餘處分若暇豫催援止亂存朝廷犯者必誅死者惜儼然正笏持典刑

未署十月八日發景炎二年歲在丁酉幅缺蝕後完備餘力凜凜寒芒青
科名如公始不媿莫儔夢炎真鼠蛭賴有公及陳參政爲宋一洗龍頭腥
嗚呼公之生也與雲降沒乘大風歸帝庭此特殘札豈留意歷劫呵護神
猶靈焚香中紙三太息想見雲車風馬空中經

題林和靖像硯

有序

硯方石而凹右側有題識云殿直丁君自沂適閩艤舟惠顧晤語
未幾卽出硯相贈且以拙詩爲索勉書數章少塞好事之意然受
此有媿謹識硯端以記弗諼耳咸平五年歲在壬寅夏五月林逋
記硯背有和靖小像左側八分書云富平李因篤藏硯匣蓋刻潘
次耕行書題字近年鄉人倪署止某得之廠肆今歸廣東長寧令
蜀人葉大起

達人匙所顧獨喜翰墨名逋翁去千載世事無一嬰眷屬託梅鶴下此況
益輕摩挲有此硯愛之如瓊英銘識題歲月紀元五咸平且勒巾服像蒼
然須眉清得非手琬刻山骨臨寒泓殿直爾何幸留貽付佳評所重豈一
硯石友期堅貞想見西湖邊賓主相將迎扁舟櫂隄下澹與谿烟橫梅陰
正如幄雨外斜陽生展齒破山綠蘚徑導鶴行茶烟出竹屋微聞哦詩聲
汲泉還注硯脫手新篇成偶然記蹤跡彌見高人情

徐壽蘅大理以林處士像硯拓本將致孤山再爲題詩

西湖處士亦好事一硯區區重題識其背自寫山澤癯想亦興趣適然寄
華陽葉子顛米儔土花石翠滿屋收一朝得此叫殊絕狂喜徑脫青繡裘
長沙徐老癖文字爲薦浙材諦卿寺逢人猶說西湖奇欲標孤山補高致
巢居鶴去將千年梅花異代爭春妍不須耳孫互譏辯硯中神骨常翛然

何不以硯置祠側古月蒼烟不能蝕硯材萬億此獨傳附此并傳丁殿直
五月十六夜起作

五月苦煩暑夜起猶歔淫披衣臥庭際尺地成山林籬側轉微月澹然照
花陰時因楊柳風流光在我襟氣熱不成露夜靜能蕭森老桄嶠門首垂
柯影沈沈時或車聲過警我同棲禽應知早朝客歎此蓬蒿深

五月十七夜四更有雨

炎威去以陰晚風在庭戶漸看月隙呈涼意生澄宇枕簟便可親花光淡
相竹中臥忽有警牀頭風葉舞歷歷穿樹聲已過四更雨田事豈不憂聊
欣滌微暑

五月十八日晚涼坐風前看霞寄絨丈

亭午暑轉盛微雷鳴西還忽見林影動晚風來交加亟移籐几坐仰看柳

陰斜天際遲暝色對我生紅霞惜無雙酒杯映此湫澹花淺絳出層碧點
以三兩雅霞西是何處朱門丈人家想見倚筇坐金波泛新茶吟成定憶
我綠樹鄰牆遮

五月十九夜晚風盼雨書感成五十四韻寄周荇農閣學竝簡徐壽
蘅侍郎

疏傅樂休官董生感不遇雖曰隱顯殊各懷止足慮仕宦無捷徑寸阪窒
千步晚效徒強顏早達終失據木鴈非世憐柄鑿亦天付東鄰周侍郎清
華夙游豫邇回蓬島間未得赤螭馭一踐宮尹端旋曳鳳閣屨常參計臣
策間肆容臺故微疾喜遂告頤情恣墳素盛夏坐一室明窗絕氛霧寺看
香篆生硯池滴花露余亦秉微尚訾級備三署虛竊一鍾祿不理五曹務
老成日以凋少年孰余慕芻闥名豈修清靜物滋妒昨者闥尚書安車起

農圃同官頗欣欣爭思自建樹矯飾廉讓名覲得上考註晚士善揣摹涼
熱皆可附慚非治煩才莫佐仰屋苦千秋遑敢期三遷亦寧顧手版恆倒
持衙參久絕赴比日瘴蘊熾袒裼略禮度薄粥二鬴充短榻四體布今夕
驅豐隆雨勢已東注頗疑惠然風來自公家樹追涼庭柯陰翹企碧雲暮
隔巷通蟬聲夕陽猶半駐四郊盼甘澤日憂旱苗仆農夫勤鋤犁泥塗雜
汗雨吾力能自勉治書刊謬誤持此報聖明差亦比耕作老更視息戒病
卽潔身去薄俗難具論睚眦修怨惡不見黿鼉輩結網張要路鷗鳶互陰
嚇黿魚矜沫响趯足教險緣寢言習醉酗羣兒自相貴公然達章疏不畏
螳折臂行見蠅敗胆落落松柏行置身遠沮洳牀早僧真移扇無元規汚
古歡生寂寥真契在述著所嗟王金吾祭酒與瞿子九學士星奔一時訃林號下棲
烏水宿候縈鷺同業每鉅離絕學致癘怒道在德不孤志定勢匪助開徑

三益來西頭約徐孺尙期杖策同消夏
鬪詩句南汧與北漚荷花最深處
此中可飲酒扁舟向煙渡騶卒及
罟師率意相與語紅衣褰風幔勾
留白頭住蕭然冰雪懷寧知襪襪趣

五月二十三日夜得大雷雨題苻農閣學所畫春江夜泊團扇再簡
苻丈竝用見示去夏喜雨詩韻字韻

連日作雨勢雲周天四積萍號忽震撼旋見重陰開一昨聞淅瀝承霤羅
餅霰旣作亦復止蘊暑彌爆煥今日下明詔竹宮虔致齋分命具圭幣祈
澤徧九垓夕促屏翳駕急陣空中催注綆羃檐宇傾盆走瓴甃庭樹噤不
喧一碧湔松槐掣電裂金笑震地轟驚雷萬物爭出濯四野聞歡逐適對
侍郎晝夜泊春江隈恍若置身際澎湃潮聲來風急渚火亂雨鳴沙響哀
菰蒲十萬頃白浪如山摧忽又憶昨夢一棹長江迴嚴城動譙鼓曲港收

帆桅篷窗通燈影密竿如薺排每當風雨至萬響轉轡輻湍潏滿枕畔耳
根洗塵埃遙見空濛中星魑佛影臺安得從公去五湖相溯洄飽聽楚天
雨出沒煙雲堆烹魚劈湘竹繫纜依老梅船頭對山色青笠同銜杯

送張仲模侍講出守婺州

早鳴仙佩入文昌講幄紅雲侍玉皇雞足翹材窮畫篠

君嘗典試滇南

螭頭簪筆

出彈章一麾試最東陽守千里迎親夏首旒傳得金華殿中語喜鄰粉郡
有輝光

夏曉雨後偕霞芬出城入天寧寺

油壁同時出花隨載酒行蟬多知近寺塔迴不依城遠岫猶雲勢低膝足
水聲客來林雝喜與佛報新晴

偕霞芬坐天寧寺看山院

經壇松外午烟霏一院蒼苔客到稀
近戶花香通蕝簾山色趁羅衣
高梁夾隴茅茨隱遠磬穿林野鶻飛
惆悵鬢絲禪榻側夕陽何事苦催歸
後十八日再至看山院題壁

夏晚高松涼經旬興彌永一徑轉花陰
日午鈴語靜院寂不見僧滿窻納
山影坐久覺露香下撫禾黍頂

偕儒初仙坪叔平鐵香仲模爽秋由天寧游南荷花汧日落追涼是
日有游女飲池上

看山意未已言就納涼處微徑入野田
水與馬爭路南汧富荷菱烟中有
人語招邀無主賓列坐當沿汧隄上楊柳風下埽蓮葉露斜陽忽到花知
是風開樹水榭臨紅妝綠窻隔紗霧暝色來池邊悵望碧城暮安得問鄠

令租我花間住

地屬豐
縣

夏晚偕霞芬自陶然亭攜酒登南郭敵樓二首

把酒憑高俯玉京晚來雲物似秋清林陰返照全歸寺山翠連空近撲城
飛鳥恰從團扇落好風偏向蓑衫生康時多有登臨暇卻敵支頤話老兵
鬱蔥壇苑樹周遮清帶壕流一道斜極望風煙郊寺塔萬重樓閣帝城霞
斜陽次第遙呈嶺暝色蒼深盡在花幾度更矜腰脚健不須天際數歸鴉
夜坐卽事

積陰易云莫垂楊捲深屋微雨過荷上葉定一螢綠迴顧枕簟幽新涼就
窻燭

子縝自湘南奉諱歸今年書來言以營葬故辭湘中書院之聘且分
束修爲饋卻寄

未竟星軺感素冠禮堂追想百年歡陶山力自營松柏湘水才多怨芷蘭

尙有門生知載酒獨憐遠道勸加餐一時風樹悲羣從霜露秋深雁序寒
羊敦叔自吳門寄惠書籍卻寄

鯉魚風起墜瑤緘佳事遙知吏隱兼山色青油晨拄笏鬢光紅燭夜垂簾

肯將握槩輸銅綬卻爲炊珠損玉籤

來書以通鑑等數種
屬友人易銀致余

昨夢茱灣消夏

舫與君花裏酌明蟾

病起束絨丈亦小疾新愈

幅巾鶴髮有餘清藥後椶輦試杖行十笏園亭娛晚節千家砧杵報新晴
詩心夜月比鄰共鄉夢秋山隔水明百尺蒼松淩雪見卻看蒲柳不勝情
病起簡敦夫敦夫亦患痢下新起

史館傭書日曹郎立壁中階閒苔屐雨門接藥烟風幾見三旬飽翻來百

病攻牀頭杯渡傳危欲錫凌空

杯渡道人傳
言病痢而痊

病起紱丈書來謂余病後卽能文詠當有無量壽符丈書來謂余如瘦松古鶴必長留天地深感勤勤期祝之意爲詩柬二老

少年交舊看將盡京國風流二老存坊巷東西鄰綠野往來箋牘滿蓬門

張蒼曾問蘭陵學

經典釋文敘錄言荀卿以左氏春秋傳武威張蒼考荀子及張丞相年皆至百餘歲前日荻丈書來言文人福

壽張文侯第一故及之

迂叟叨陪潞國尊自古經儒多壽考不須丹訣訪昆侖

送許仙坪備兵河北

太行東走襟黃河南陽沃壤經咳多畫分一道輶晉衛朱旗天半瞻峨峨

許君諸侯老賓客中歲金門始通籍乘槎直到牂柯江持節復窮玉門驛

苴蘭蔥嶺橫烽烟穴冰衝霧搜材賢歸來萬里悉在眼詩囊歷歷羅山川

翰林上考登啓事天子臨朝自除吏豫中大祿民未蘇特詔儒臣蒞其地

覃懷禹貢稱名疆鄴城六代割據強

魏曹氏後趙石氏魏冉氏燕慕容氏及東魏高齊

朝歌支郡

亦雄勝悉待一扇仁風揚方今朝廷啓俊宅星變求言主側席朱雲蕭育
生比肩嶽嶽爭抒救時策君茲奉命腰艾銀露帷行部雙朱輪嚴霜甘雨
隨所布要使疲俗沾陽春河陽旁帶六千石節度三城古方伯金隄屹屹
繫此身行見萬靈手加額黃華林慮天下奇蘇門百道清泉飛名山麗矚
盡宇下會當笠屐來相依

送施郎中啓宗出守興化

年少勤爲吏刑祥重列卿外家張竦學慈母義姑名施爲宗濬甫師外孫
幼失怙恃其庶母章
慈撫
隆至潔白承先志循良起政聲會稽南部地晝錦擁專城

越縵堂詩續集第八卷

越縵堂詩續集第九卷

清會稽李慈銘愛伯謨

姚安山雲龍夔舉編

癸未四月五日夢舟行故里青田湖中樂甚醒而賦之次日是湖中

競渡日也

故鄉霞川水南匯青田湖湖周七八里四浸山菱荻其中多曲港夾樹楓
栢株霞川爲運河帆檣如鶩趨過橋入湖口頓覺心神殊清光啓明鏡千
百螺髻梳緣隄富蔭茨亦種紅芙蕖麗景四時足鬱爲神仙都昨夢駕一
葉駛入烟波區其時旭日出金翠相卷舒漁舫正四散點綴鷗與鳬樹色
蔚若薺下映澄練鋪嵐光滴曉露浮青滿衣裾顧之忻然笑身復入畫圖
栩栩忽以覺蒼碧猶能摹始悟明日事競渡相嬉娛龍舟狎翠浪出沒跳
驚魚汀花岸草間時時拂旌旗川驛織錦繡酒國開粉榆時適田事隙清

和當夏初年少隨里集此樂長無渝安得附翼歸簫鼓趁邨墟

坐藤花下作

種藤十餘年其高覆我屋縛架日以長布蔭滿庭塾年年春夏交垂花若
毵絢艷散終朝霞風搖四阿馥設几坐其下攤書字朱綠時見落英墜丹
粉相句讀小鳥或經過綵繚響珠玉徑宋無人行惟見蠹蠶逐夕陽戀餘
映清露喜朝沐家人顧笑我謂此非適軸辛勤作寓公種此竟誰屬余謂
人生寄但取眼前足我種我譽之人花兩爲福不見平泉莊未得一朝宿
吏部非昔陰寄園泯曩躅漁洋暨竹垞佳事此其續後人想風流定入退
朝錄

得曉湖司訓龍泉書卻寄

籃輿垂老見風流佛影經帷兩白頭澗水西來通潁沼雲南起對書樓

一困官粟供山縣

來書言歲入穀三千斤米三百石

千里鄉程入劍州

龍泉宋時曾立劍州其地有斗入福

建浦城縣者閩中故有南劍州之稱何日各成歸隱計湖塘壽勝結盟鷗

贈同年黃仲弢編修

紹箕

今皇三榜啓庚辰同籍同年廿五人君有才名傳世學我於交誼倍情親

汗顏李邵辭華選作賦黃滔絕等倫

庚辰朝考第一今年散館復第一

今報國文章原易事

無雙江夏出貞臣

偶題江邨古木寒鴉小景二首

小幅江邨景最幽幾間瓦屋俯寒流稻蓬斜照低眠犢蒨艸輕烟欲渡鷗
水檻平看遙岸樹風帆峭帶數峯秋歸鴉似與吟情會蕭瑟蘆花寫莫愁
廿載江鄉繫夢思鏡湖紅樹雁來時墟烟淡上叉魚艇山翠寒侵放鴨池
略約晚霞都人畫遠邨疏柳亦宜詩不堪俱作承平憶待月柴門閉每遲

癸未六月京師苦雨有柯山戚友來與談故山之勝適吳編修講索
書團扇編修故家州山與柯山鄰也其地山水尤佳因題其扇二首
吾越山水窟西南尤翠峒道出湖桑墟窈窕如美人曉鏡滴眉黛淡笑無
含顰時花簇巖巖際螺鬟亦爭新流鶯啼雲裏偶出銜紅巾誰家好樓閣嵐
光浮碧筠朱闌一倚笑溪聲千古春

春山固云好尤愛初夏妍綠陰已如幄餘花綴連錢自入第五橋夾嶂飛
清泉州山最秀絕圖經名弗傳我於甲寅夏落日當放船金碧深處畫絳
麗參諸天濃黛窅無際極目惟蒼煙此景刻胸臆息壤期何年

近感二首

聞說昆崙外干戈尙未休周藩勤職貢漢郡本交州俗自由季美人思悉
怛謀蛟涎何日饜前事有流求

未有填隄術先謀築室人九河隨處指三策任心陳斥地嗤新進增卑主
重臣魚鹽千槩富畢計集菱薪

癸未六月之末連雨猛甚牆屋多圯二十九日得晴戲書一絕

西風一夜免排牆又送蟬聲過夕陽飯後不知明日事樹陰移榻飽新涼

同年朱桂卿編修用山谷上蘇子瞻古詩二首韻見贈用山谷次量

補之廖正一贈答詩韻報之

世間萬事競雞口柿屑散材論升斗蒙然雲霧擁九關雞犬祇釜丹大還
天馬躡躑躅棧屹下黃鐘瘖啞邨鏡間朱游氣慨萬夫上雍門一遇獨心賞
庚辰之榜天下名輝煌桃李春滿城君對大廷擢高甲稽古所致無凡榮
我亦蹴躡隨貢士漫郎仍署聲隅子入刺屢索闔人還挂笏不爲長官喜
朱弦三歎知音難少年吹笛工譏彈晨星數點相嫵媚寒松千尺誰躋攀

自慚凡骨不能換看君游戲蓬萊山

胡匡伯以與朱桂卿酬唱詩見寄中有同事李夫子語再用山谷次

鼃廖贈答詩韻酬之竝賀令嗣毓麒登第出宰滇南便道歸侍

以田易官贍八口垂老始能博升斗口中無齒髮被肩經年車轍絕往還
銷聲自匿百僚底潛精亦敝羣書間看花偶出雒市上濁酒素箏一時賞
胡君鄉里最有情十年同住長安城歲寒松柏自相悅不隨桃李爲枯榮
別去三棋復來止眼前突兀見驥子雛鳳一鳴天下驚萬里除書鵲聲喜
少年民牧良是難朱琴先向書城彈泥金已足動鄉國五雲喬梓爭援攀
作吏何如鄰下樂且侍鉛槧勤名山

感都門近事答桂卿四疊山谷次鼃无咎廖明略贈答詩韻

世事到前總緘口但顧肘間印如斗四塞以外紛觸蠻日望玉門生得還

東南一侯西北尉何如移置眉睫間白面少年書累上禁幄頗聞屢稱賞
常僚驟擢躋公卿或馳虎節莅百城朱厓棄地師賈策阿佟駁議無周榮
我曹竊食百僚底不能去逐元真子著書相戒絕罪讒高歌互答寓憂喜
清流湛湛無激湍修竹寧受甘蕉彈老樹著花白嫵媚孤桐半死無援攀
君不見十丈東華輭紅外照人爽朗有西山

京邸秋晴寄懷彤山人楊雲棗吳下

秋風起庭柯曉日在窻戶郊畿徧積水黯黯市月雨自今喜得晴西山納
我宇因之懷故鄉家家熟禾黍金粟香風巖紅淺界烟渚楊子湛冥徒長
年賃皋廡薄田尙可耕胡爲久羈旅彤山萬竿竹烟深幃無主壽勝好壻
鄉三里通一浦時當春秋交往來篋船艣山妻安紡車稚子理釣罟清谿
動林影仙谷盡吟侶嗟我無家歸亦冀息倦羽會當鉏白雲荷畝從學圃

簡朱桂卿五疊山谷次无咎明略贈答詩韻

黃流倒注礫谿口石水難勝泥六斗腐儒不知時勢艱高談欲挽河南還
齊東士夫惜地力東之北注瀛莫閒朝廷焦勞竭內帑畚土未得一錢賞
況今陽侯屢震驚畿輔鬱鬱無完城未聞尹忠責疏闊但有延世希褒榮
浙中海颶吹鬼市居民萬家作魚子使者告災恐主憂惟言秋禾翠堪喜
君家武原古鹽官揚旒東渡一指彈秋深相期剡中去板輿紅樹堪扶攀
莫問橫流徧南北聽泉洗耳雲中山

海鹽與上虞隔海相對近有風潮之變朱君母夫人移家避水故爲剡中

約山云居

題王石谷畫停車坐愛楓林晚詩意

畫右有跋甚佳下題康熙丙辰八月自畫於虎邱精舍

往聞誰華勝秋色踰春妍

耕烟畫誰筆秋色漁洋有詩

茲圖更明瑟冷豔無浮鮮詩寫

小杜意身落中吳天細磴冑白雲疏林界清泉點綴在靜深蕭森出豪顛

霜紅借落照晚景俱來前自惟巖壑僻霞采尤所憐鏡湖十萬樹處處可
放船水窮入林去夾嶂如錦懸何時畫中屋落我秋筇邊隨意置籬落錯
雜松與楸上以環先壟下自營墓田坐對不知返庶幾息殘年

同年沈子培比部

曾植

次山谷用鼂廖贈答韻見贈且約重九之遊

六疊前韻酬之并柬令弟子封

人生難得笑開口壓帽黃花大如斗古重此節良可歎東流之水何時還
百年能作幾重九聖愚一垓炊黍間吾曹不幸落塵鞅濁酒狂歌自相賞
百錢挂杖萬事輕犢轅徧縱長安城詣曹聊亦逐蕭育覓伴何可無公榮
柴立中央孰牛李富貴紛紛八關子痛飲遑顧尙書期高論寧知府公喜
置身幸未矢在弦有琴不受王門彈城南地僻少官府寺樓處處堪躋攀
樂時當得一日醉爲約君家大小山

癸未九日偕爽秋攜酒邀同年朱蓉生黃仲弢梁星海三編修沈子

培子封兄弟集崇效寺餞孺初歸文昌

今年積潦彌郊坰倦陽玄月猶驕蒸強名重九作高會分曹賭酒吾猶能
袁絲勤吏兼好事日治官書夜文字謂我送別兼登臨淋漓詩酒實職志
逍遙潘叟南荒賢賞郎七十髮被肩一朝掉頭欲歸去笑看鴻鵠橫秋天
與君同作司徒屬不肯抱關常錄錄世人隨俗爲毀譽誰向窮途慰歌哭
朱游言事氣慨恍黃香東觀偁無雙梁竦英英出南海吳興二沈皆瘦狂
白紙坊南崇效寺傳自有唐劉濟置朱樓十丈掌秋空藏經猶出前朝賜
嘉靖三載苗宮人手題貝葉華嚴文

是日登藏經閣內華嚴卷尾有
嘉靖三年七月宮內信女苗氏敬施

字
闍黎貧老失年代鐘魚過盡楸花春大雄慈力亦何有今日一尊落吾

手眼看身世如浮烟祇有青山未衰朽染須大半事後生那有虎賁思典

型草木搖落鳥獸怨雨雪將至天地冥送君且盡此中酒時事不須復開口斜陽肯爲吾輩留曠莽郊原一回首瓊海萬里鯨濤程樓船帶甲南交行祝君安歸長子孫長爲王人輸稅耕

題傅節子華延年室金石拓本卽送其赴閩補官用冊首朱椒堂侍郎題金氏咸悅齋鐘鼎款識次飲丁香花下作韻

有華延年日鑄黃矼矼一室有底忙官貧家罄俱不計吉金樂石生輝光鍵戶惟聞硃搗響發篋欲飽尊彝香我始識君道咸際其時年少氣發揚買書鬪富極精力對酒論古傾肺腸方謂百年盡此樂鑱鏤越紐無去鄉晴窗翠墨春日澹鐙花簷雨秋宵長中間離別更兵亂歸來上壽無北堂君走楚閩我京國鬢髮各已成老蒼沈沈溷跡百僚底入貲聊博升斗償君歷縣劇擢五馬南天頗已成甘棠今年入都更相見秋雨打頭驚壞牆

亟營一弓下榻地冀連日夕傾百觴落葉蕭蕭復言別欲留驪駒無藿場
幸君金薤日益富窶人衣珠如欲狂何年抱冊共歸老種菊釀秫過重陽
癸未十月二十九日寓齋菊花始盛點鐙觴客卽餞朱桂卿乞假歸

省北堂桂卿復次山谷用鼃廖韻志別七疊前韻酬之

金門隱居擬谷口量粟論囊酒論斗廿年不調五品官猿啼鶴怨客不還
力營隙壤作籬落置身常若山林間三徑霜風埽秋莽西嶺翠來暫供賞
展重陽後十日晴黃花盆盎堆書城據梧瞑坐不得意欲向畏壘招南榮
吳越之間幾瓌士公叔英英照餘子醇醪不敵清言溫空谷自爲足音喜
明眸行酒敲玉盤不須雜遘箏琶彈燭花數跋四坐散路河秋柳明當攀
君歸正及香稻熟宮花上壽賡南山

袁爽秋以冬夜直理俄館賦詩見懷竝詠館中卽事四絕句酬以二

首

自笑人間七不堪那知轍北與轅南龜形爭見全藏六臧耳何須說有三
偶與高門無字刺亦聽海客大瀛談一瓢尙仰天家粟許結東鄰恐未甘
絕倒袁宏作奏工一官蠻府寄壺中心殫筭編平準牒領山川極大蒙

君近爲閣尙書編國計簿又
在通商署領俄羅斯文案

鳥語戲聽夷隸譯竹聲清引越吟風

君言署
中東隣

有竹石
之勝

卻思九里梅花舍多待桐江理釣篷

病中待雪寄沈子培子封兄弟

與病浮休自在眠溫鑪擁褐過殘年方書肘後橫斜草經卷牀頭繚繞烟
半畝山林如世外多時雞犬亦神仙遙知待雪珠巢巷臘酒梅花起誦弦
書感次子培柬余病中韻再眎子培

何曾當道臥王羆電掣明駝十二時下瀨樓船徒設險叩囊金匱已無奇

胸中華嶽晨澆酒夢裏昆侖夜出師日食猪肝吾事了不須垂齒樹臣而

嚴鹿谿自汭入都以魏齊碑數種爲贈時寓丞相巷僧寺酬之以詩

嚴子關中溯洛歸行囊多打北朝碑一官仍署司徒屬半楊新依佛火炊
落葉積時敷坐具暝鐘有意繞經帷向禽劇甚烟霞約五嶽何年策杖隨

和雲門見贈詩韻

一去蓬瀛更愛閒暫從冬集選人班居僑京國無名寺

君寓虎坊橋東萬時寺都人無知之

者段柯古言長安無名小寺以千萬數此類是也

看徧南朝著色山

此來徧遊楚越名山水

家世自傳文武

略才僞兼在俠儒間歲寒寂寞常相慰莫爲長纓請出關

癸未東坡生日竹簣雲門見過夜留小飲再次雲門韻

鶴飛曲裏過冬閒珂繖稀隨半仗班小室甕香千日酒寒林燈影一房山
語參許掾烟霞外文在樊川伯仲間故事從容三白飯琉璃七箸不相關

癸未生日竹簀書玉介唐光甫秋田雲門醪筵爲壽賦詩志懷

今年百病攻腐儒何暇謀樂惟憂虞麟閣禮堂兩未就已看斜日侵桑榆
爆竹漸緜臘鼓急案頭殘歷賸三日同人知我覽揆辰醪錢二萬祝增艸
城東小史斟流霞金屏寶勝香爲家春鐙璀璨玉闌角蜜梅四照人如花
玳筵樺燭映眉嫵偏酌銀甕佐行脯自知醇酎輸清談何事黃金買歌舞
南交十萬屯邊兵黑山苦戰都護城大帥椎牛自行賞笙歌高擁中軍營
況復黃流十州沒層冰峨峨萬人骨須知移此一醉資足濟百家一朝活
諸君相顧意氣真半登館閣稱近臣或屈朝官作民牧蒼生責望行在身
慈也衰疾已頭白行就諸侯作賓客出門一笑雪滿天明年斗米易錢百

越縵堂詩續集第九卷

南通馮

雄乾飛校

越縵堂詩續集第十卷

清會稽李慈銘愛伯謨

姚安由雲龍夔舉編

甲申元日東周荇丈

公今開八髮垂肩愧我遲生十五年已歎櫟樗形悴甚始知松柏色蒼然
四朝老見中興日二品歸無半頃田手定等身三史學桑榆光滿楚南天
甲申人日荇老枉和元日詩韻用高常侍人日寄杜拾遺詩韻再簡

荇老次日立春

沅江無地營茆堂十年致政留帝鄉閉門過冬息老物五千文字能撐腸
白雲變幻一無預閒理琴書消百慮人日枉和歲朝詩想見花飛墨凝處
明朝又見甲申春紅梅壓几清無塵須令世上小兒識百歲金門遊戲人
甲申三月十三日出都小住津門四月三十日還京絕句五十首

一自乘槎到日邊不知官簿幾推遷閉門日月今多少記種垂楊十四年
果巷西連米市斜巷南老屋當浮家敏門絕少公庭吏長有園丁報送花
喜讀朱公種樹書一庭花竹漸扶疏路人指說牆頭杏此是當今庾信居
絕倒虛名比郭隗故將羔雁款蒿萊山桃似欲留人住獨向春風冷處開
似說皋比拂坐塵昨來雙鯉下通津郎中三影關何事一語胡盧足了人
管領山奴赤腳蠻一門僕婢仰眉端邇來始信京師大容得聲隅五品官
自課長罌汲井華丁香含萼柳初芽白頭尙領春光幾剛及花時不在家
夢裏山陰一畝園老來賃廡傍修門須知白柄長鑱外生計都無一事存
平生營構愛精嚴茗鼎書牀事事諳想到白雲帷帳語那知硯北更香南
東頭屋倒自成園縛架編籬也自寬雞犬不知人賃廡花陰鳴吠各相安
跛驢薄笨告臨歧丁倒圖書閒酒甌一幅青門真祖帳山妻扶杖病姬炊

丁卯才華錦不如玉堂宣講待熏爐他年編到題襟集一首文成萬顆珠

許竹簣侍講
贈序甚佳

風義長條擅俠名鳴琴百里動邊聲臨行笑約垂楊說待我歸來唱渭城

謂雲
門

漫郎相顧各蒼然少壯論交老更憐腹痛逍遙潘叟語今朝喜見傅延年

謂子蘇去年正月三日潘藏庭丈過余過子蘇喜
曰新歲見傅君延年之兆也時去丈歿十餘日耳

伯玉文推禁省雄歐陽三娶事偏同一經欲慰商瞿恨故遣佳兒祝草翁

蘇書玉編其夫
人錢呼余爲父

酒債時時貰玉甕虎坊橋北屢經行韓家潭畔朱霞影小別東風也有情
道出東門賭茗杯觚棱回首一徘徊年來朝事營營甚負手城闌聽水來
誰言清淺是蓬瀛時有風波起玉溟陞楯歲星方一覺層城三度換真靈

可笑當年呂步舒五行平議事何如豈真朱鳥窗窺得先遞青桐一葉書
豈有連錢避障泥故教迂轍轉東西老農新碾春疇熟一片柔茵待馬蹄
斜日停車定府莊風吹村店柳初黃卻憐一出長安道每見青帘覺酒香
已看明月影當頭入里橋邊水自流郵吏排籤行更急滿街燈火過通州
郭門繚繞俯平川塔影依稀遠帶煙十里檣竿旗獵獵一燈初下潞河船
夢醒依約水聲撞曉日曛曛照竝艫婦女隔船相問訊祇無吳語到篷窗
道出泉州有潮城罟師獻子掠舟行煙波安穩平生夢欹枕明窗聽艫聲
野岸星沈繫纜遲林中犬吠有茅茨客心悵觸孤舟夢四十年前夜泊詩
余十六歲時冬夜侍本生王父自樊浦歸舟遇風泊石濱賦詩有云雲裏
鐘鳴知野稻林中犬吠有茅茨又云燈從矮屋遠穿樹船與斷冰爭過橋
皆爲當時傳誦其稿久不存矣

張灣南畔改新流直接香河減水郵知有船孃偏愛惜別開明鏡照梳頭

三五成邨映柳林征塗漸次覺春深如何纔茁鵝黃葉三日青青徧綠陰
堤入楊邨覺漸高稻稭縮穀萬吳舫幾南文物徵何限只說朱家雪字鮫
曉卸征帆丁字沽新營壁壘扼津衢和門鼓譟花門角此是華蕃合樂圖
趙侯五十早專城說士時時到禰衡廿載題名同白首喜分輿蓋遠相迎

桐孫只肩
輿來迎

百戰功成使相尊海師十萬虎貔屯令嚴夜半傳軍號不許潮來碣石門
洱海新傳逮仲通樓船楊僕總無功漢家銅柱標天半未盡朱戟入界中
都護安南舊有城未聞墨守已投兵誤人一紙行師地莫似唐家怨蔡京
六詔烽煙接點蒼誤傳銅壁作彭亡唐蒙鑿空真何苦緹騎飛龍過夜郎
日夜颺輪驚報來春風依舊講堂開頗聞舍菜迎師暇出看犀軍演水雷
勃海經師著漢京驚湖題額尙崢嶸如何七十三年後輸與南州獨擅名

問津書院創於乾隆二十二年盧雅雨先生任長蘆運使時錢香樹尙書人學海堂額後至嘉慶二十四年阮文達總督兩廣始開學海堂於廣州

不知津門有此名矣

雅雨風流久渺茫列葭環海屢生桑談經幾輩松枝塵祇有雙槐閱世長

院有雙槐書屋

東海鮒魚舶棹登細鱗盈丈雪花凝軍中知是先生饌驢騎飛傳一榼冰

謝合肥相國饋鮒魚

吾家寶鼎號儒宗愧繼先賢領學僮使者雍容車騎美雅歌賓主禮三終

二十日偕運使額勒精額君率諸生釋奠兩書院

東風紅紫出新裁雪柰緋桃次第開消得三蕉藍尾酒天津賢令送花來

謝縣令陳君以培饋海棠碧桃各兩樹

蘭陵繆襲領官書隔院牙籤甲乙廚卅載泉明風木感覆巢流淚話銜鬚

澤陽人
總兵
武烈公
以太守
兼時
鎮官
運使
書局
借院
中東
屋以
離

金花寶蓋滿城中浴佛先期賽謝公猶說裂裳馳一騎大呼殺賊渡河東

津人歲以四月六日至八日賽會城隍神及放天津令謝忠愍公子澄園中寫樂畫夜不絕旌旗簫鼓導迎甚盛

庭前日數綠槐芽燕雀相依共一家忽覺天涯春去盡隔牆風裏見楊花

開到庭中安石榴連朝山信報花稠華筵次第開賓館再作平原十日留

汪使觀察君天津道劉觀察樹棠海關道周觀察蘊天津知府汪君守正長蘆運同沈君永泉及桐孫恆菴諸君排日設飲

夜下船符三汊河又聽擊汰榜人歌揚帆直出桃花口歸路清陰一倍多

周玉山觀察
具舟送歸

隴麥青青覆黍秧桔槔碾磑一時忙東風五兩乘飛繞脫帽船頭看夕陽

新河繞過有風霆未到張灣急繫舠雨後遙天青欲滴夕陽一鷺下前汀

策馬雙橋二閘邊沿流樹影綠連天入都更有江湖思放鳴紅裙六柱船

日落爭城趁晚鴉遠看高柳出簷牙可憐越客安燕久但認長安是到家

六月七日同人出城至南荷花沿錢雲門遂泛舟花中至日暮而歸

廣寧門外多林籐桑乾隨處泉源穿居人瀦水種荷芰南潒北潒名爭傳

土人呼南花泡子北花泡子泡卽洪音之轉也

南潒花深更林密汎水有舟飲有室樊子觸熱將

西征相約同人載殺出綺窗三面皆當花玲瓏舟屋如浮家酒氣薄花萬

香迸花光入水蒸紅霞荷葉裁裙翠羅色環佩琤琮午風纖新妝誰與花

爭妍一水迴舟作香國朱郎宛宛雙翠蛾玉缸爲我斟紅螺窈娘善舞躡

利蹤翻身玉鶻凌金波

皆是日飲間事

眼前快意莫輕擲一醉千金亦何惜烽煙

炎海日百驚流汗殿廬視駒隙謀國有人無我譏日落柳風吹葛衣刺舟

更入花中去月上煙深一櫂歸

後十日光甫招集陶然亭餞雲門

相攜蠻榼就郊垌野寺江郎舊有亭萬樹自銜孤塔出遠山不隔帝城青

昇平官樂生何幸

康熙中江渝依工部建此亭

老病愁多酒易醒最是玉人能惜別卷

簾長得夕陽停

再後十日齋中坐雨適雲門詩來卽用其韻

閒庭積水寫微波簾隙愔愔上綠莎花裏房櫳催暝早柳邊窗几得秋多

離襟河曲千重嶂

雲門所築宜川在龍門孟門之西

歸夢山陰一領簑卻想北湖樓下飲

快看驟雨打新荷

一昨有十利海飲酒泛舟之約

雨中聞蟬有感

一雨新涼已滿城秋蟬猶趁樹間鳴垂楊撩亂千枝滴爲爾頻添斷續聲

聞馬江之敗三首

誰揖開門盜虛乘下瀨船單身亡節鉞六鷁殉燦煙露布猶馳景鍾官曲

賁錢始知誅馬謖流涕武鄉賢

獨闢盈廷議軍諮屬老成廿年持節監百練習流兵儲庠徒齎盜攸飛盡
結纓自強原有術屯戍重農耕

爭望黃龍艦清河是水神旌旗團黑霧山海亂青燐見敵思劉秩臨危愧
令贊八閩天險地太息付斯人

再酬爽秋詩道會稽富春之勝

富陽至桐廬山水世獨絕每誦叔庠書行間見崢嶸余生會稽郡百里卽
蒔江屢問錢唐渡未買富春艤君生桐君山每談九里勝層林蔭深潭蒼
翠若可聽睦州隸於浙東西無定尊君之扁所居偏曰漸西邨越州統浙
東巖壑實尤異佳境隨步變麗矚四時備比屆秋氣至蓼莢彌平川松竹
相映發雲霞交澄鮮巖桂初過黃江楓亦漸赤浦帆出煙晨寺鐘澹霜夕

安得統五兩與君窮幽妍朝發剡谿日暮宿嚴灘煙碧照魚行空紅分鳥穿樹笑謝京西山翠微鎖寒霧

日本仙台人岡鹿門名千仞字振衣舊直史館來遊中國持湖北人楊惺吾書介鄧鐵香來訪於其行也持絹索書爲詩三首次之

萬里行歸國三秋氣正高魚龍看戰鬥詩卷壓波濤月照雙輪艦霜飛百淬刀中華山色好蒼翠上征袍

自愧蕭夫子文章海外通身閒征戰後詩富亂離中談笑無西極衣冠見古風所嗟逢老病尊酒莫相同

足利千秋學傳多古本藏況君精乙部此業冠東方

著有法蘭西志米利堅志又欲攬英俄舊

已三編國志

系纂吾妻鏡經馱大寶王仙台舊雄鎮碑版有隋唐

題揚州李梅生育焦山圖儀徵嚴鹿谿所贈也

平生兩見焦山面未及尋僧一曳筇聞說雲泉滿松桂參差樓觀隱芙蓉
吾家自寫胸中壑逸侶相貽壁上峯安得聳身蒼翠去夜潮落葉打秋鐘
甲申十一月初十夜展讀符丈秋暮手書數通泫然成詠時丈化去

十二月矣

朔風燈冷夜窗虛展讀平生一紙書隔巷相憐人臥病九秋還慰客無魚

饋一書是
魚麵

心傷索畫明年約

兩書皆寄畫扇有云所畫甚拙惟恐自不能
再畫或有明歲當別畫一扇以補過公其許我

平

腹痛瀕危半面疏我抱沈疴公已去黃壚相憶定何如

寒冬夜坐閱赭畫山水箋宛似故鄉西偏小邨落題之以詩

翦燈寒夜一攤箋忽覺溪山落眼前小艇渡人疏柳下幾家臨水夕陽邊
參差林影浮漁罾次第峯痕界野煙歸夢欲尋江上屋梅花籬落隔巖泉

追題遊東關天花寺詩

有序

放翁老學庵筆記云會稽鏡湖之東地名東關有天花寺呂文靖
嘗題詩云賀家湖上天花寺一一軒窗向水開不用閉門防俗客
愛閒能有幾人來今寺乃在草市通衢中三面皆民間廬舍前臨
一支港與詩不合豈陵谷之變遽已如此或謂寺本在湖中後徙
於此嘉太會稽志所言略同余於戊辰之冬嘗一過之寺門閒靜
近依水曲旁絕塵市亦遠衢衢與白塔洋相隔里許疑無湖中移
置之理至賀家湖者今日賀家池在樊浦東離寺甚遠呂公北人
故不深知也然其詩境佳絕近久客都下煙水夢深彷彿曩觀補
題長句

廿年前權入東舟曾向天花寺裏遊市轉碧橋開靜野牆欹紅樹照寒流
四圍稻葉常遮屋一院松風自繞樓誰向招提問興廢山門長占鏡湖秋

東關白塔洋長三里
餘是鏡湖之僅存者

書先莊簡公千巖亭詩後 有序

先莊簡公紹興中罷相以提舉洞霄宮還居郡城新河嘗遇陸少
師宰千巖亭賦詩云家山好處尋難徧日日當門只臥龍欲盡東
南岩壑美須來亭上小從容茲銘平生喜誦此詩乙丑還里賃廡
新河者兩載後移寓錦鱗橋則臥龍日在戶闕矣比年久羈郎署
極念故山甲申歲闌寒夜多思謹題五言一章於後述祖德志息
壤焉

我祖南宋英罷政守鄉郡遂定新河居千載想餘韻同時陸祕閣始築千
巖亭放翁尙童丱授詩聞過庭時見相公來青山在眉宇白雲不可贈相
招白雲語藤州忽赴謫遂落瓊海邊仙山一家樂

事見雲
谷雜記

化鶴無歸年至

今清風生近接水澄巷第宅多新開市樓艷霞絳余也一廬賃兩見河水
春時尋古松石想見峨冠人龜堂久已平快閣亦非故只道二山間猶有
東園樹薄宦去鄉國欲歸無寸田何從乞祠祿況求一郡便寒夜靜煮茶
凍窗聞竹折夢載梅花艤探徧山陰雪援鶴蕙帷寒峯峯積翠閒翻思錦
鱗里隱几臥龍山

甲申生日書玉敦夫介唐三編修光甫戶部攜酒見過夜張燈召樂
與諸君飲卽席賦呈

修幹無恆期況復百畝集侵尋迫崦嵫生事無一立幸有君子交素業欣
所習偏念縣弧辰登然會車笠玉缸樺燭明玳筵蕙爐襲雙花行金尊細
樂綴笙什平生苦眇歡視蔭每汲汲吾降逼歲闌人事尤屬屢謀此頃刻
娛懼有鬼神竊頗聞北戶下臘鼓催戰急傳烽及甘泉四海驚淞淞戴面

朝登壇帖耳夕就罽藁街虛郅支葛亮盡帶汁卅里明光甲無由買曾級
詭道詐捷書踰限斷履靽終南未爲工柱下此可執諸君在承明耐寒不
肯翕雅尙如墳齷湛冥共鄉邑相勸一尊醉毋效耳語聒十笏茆堂寬梅
花冱煙溼酒香燈四圍風雪豈能及翠袖手可溫青山夢先入萬物翹春
蘇吾學蟄蟲蟄

甲申除夕懷雲門宜川卻寄

龍門西去控三秦獨擁山城爆竹春那有梅花通驛使喜添柏葉頌閨人
縣朝法酒三正樂官閣香匳百福巾知爾今宵能念我歲盤燈照髮如銀

越縵堂詩續集第十卷

(84298•3)

越縵堂詩續集

版權所有翻印必究

中華民國二十二年五月初版
中華民國二十四年二月再版

每冊定價大洋柒角伍分

外埠酌加運費匯費

著 者

李 慈 銘

發 行 人

王 雲 五
上海河南路

印 刷 所

商 務 印 書 館
上海河南路

發 行 所

商 務 印 書 館
上海及各埠

本書減去售價五分

(本書校對者周蕪侯)

